

MNASEMA HUYU ETI

KUWA NI NANI?

 Habari za asubuhi, marafiki. Kwa kweli ninahesabu haya kuwa ni majaliwa kuwa hapa kwenye kanisa hili. Na kwa namna fulani kwanza kabisa ninapenda jina lake. Linaitwa "Jina la Yesu." Ninapenda hilo. Nami—nafikiri hilo ni—hilo ni... Hilo ndilo Jina nililokombolewa kwalo, hilo Jina linalofurahisha la Bwana Yesu. Na tena kuwapo ndani hapa pamoja na marafiki zangu, tukiwa tumekusanyika hapa kwenye hii asubuhi nzuri sana ya Jumapili, papa hapa Phoenix. Sijui mahali popote ambapo ningependa niwepo, isipokuwa iwe ni Utukufuni pamoja na ninyi nyote. Na hilo ndilo tukio kuu tunalotazamia siku moja.

² Nami nilipata mwito wa wagonjwa, kuja huku kwa ajili ya hilo, leo. Nami nilikuwa nikizungumza na Ndugu Outlaw, rafiki yangu wa thamani, naye—alinalialika kwa moyo mkunjufu sana ku—kuja huku. Na wahudumu wote hapa Phoenix wamekuwa wakarimu sana kwangu.

³ Ninashangaa wakati mwingine ni kwa nini nilihama huko Tucson. Nimeishi kule kwa muda wa miaka mitatu, wala sijapata kualikwa kwenye mimbara yoyote. Kwa hiyo nadhani nimeninii... inanipasa tu kufanya zi—ziara yangu juu hapa Tucson... ama hapa Phoenix, mahali ambapo ninajisikia nimekaribishwa. Vema, labda watanizoea ninii... Unajua, nilihubiri huko chini hivi majuzi usiku, nami nilihubiri saa tatu; si ajabu hawakuniomba nirudi.

⁴ Lakini nina hi—hisia fulani moyoni mwangu kwa Mungu na watu Wake. Na mambo yangu ni ya polepole sana, na ni—ninahofu nitaacha jambo fulani na nisiingize mambo ya kutosha, ndipo ninaweka jumbe kama tatu ama nne katika ujumbe mmoja. Kwa hiyo bila shaka... kwenu ninyi watu mliokuwa kule chini, ninaomba radhi kwa kuwaweka muda mrefu hivyo. Sikupaswa kufanya hivyo.

⁵ Na pia ninafurahi asubuhi hii kuwa hapa pamoja na Ndugu Carl Williams, na maskini Jimmy hapa, na kwaya hii, na rafiki yangu wale ndugu za Mosley; kumwona Brad, Ndugu John Sharrit, na wengi sana wa marafiki zangu; Ndugu Pat Tyler, hapa, kutoka huko mbali Kentucky, na—na—na marafiki wengi sana kwa sababu tu ya kukusanyika katika kusanyiko hili—hili asubuhi ya leo. Unaona, niliona marafiki zangu wengi kutoka Tucson na kadhalika, wameketi hapa.

⁶ Ninafikiri juu ya siku moja wakati haya yote yatakapokwisha, ndipo tutakapokusanyika mahali ambapo tutaninii...hatutaninii...ha—haitabidi kamwe kuacha kusikiliza muziki huu mzuri, unaona. Iilitokea tu ya kwamba nilimwona mwana wa Ndugu William, ameketi pale nyuma, alitoa ushuhuda hivi majuzi usiku huko kwenye Hoteli ya Ramada. Na ninafikiri ye ye ana urefu wa karibu futi sita. Lakini nawaambia, baada ya ushuhuda huo, nadhani alikuwa na urefu wa futi kumi. Yeye alininii tu...Kweli nilifurahia yale huyo mvulana aliyo sema, ushuhuda mzuri namna hiyo.

⁷ Ninapowasikia jamaa hawa wazuri wakishuhudia juu ya imani yao ambayo kiini chake ni Kristo...Nami ni—ninazeeka, na nina-...siku moja sina budi ku—ku—kuondoka na kwenda Nyumbani. Na kuwaona vijana hawa wakija ambao wako tayari, na wakijitayarisha kuendelea kutoka mahali nilipoachia...Na hivyo ndivyo tunavyofanya. Hivyo ndivyo maisha yalivyopangwa. Kwamba sisi...kizazi kimoja kitasonga mbele...na baba na mama. Nao wanawalea watoto wao, na kuwaona wakifunga ndoa; na wajukuu wanafuata. Na baada ya kitambo kidogo, hao hapo Baba na Mama wanaingia mavumbini. Na halafu, ifikapo wakati huo, hao watoto basi wako tayari tena kwa ajili ya wajukuu; na halafu, hao hapo wanaingia ardhini. Lakini kutakuwako na ufuluo mkuu wa watu wote moja ya siku hizi. Sote tutaitwa katika Uwepo wa Mungu kutoa hesabu ya yale tuliyofanya na yale tuliyopewa na Mungu: Yesu Kristo. Na kwa hiyo, nina furaha sana kujua ya kwamba nimeishi katika kizazi hiki pamoja na kundi zuri sana kama hili la watu, ambao wako kote ulimwenguni, ambao nimekutana nao. Ni—nina ninii tu—nimamshukuru Mungu tu. Na siku moja wakati wito wangu utakapokuja, vema, ita—itanibidi kwenda kukutana na matendo niliyotenda. Ninataka yote yawe ni kwa utukufu na heshima ya Mungu.

⁸ Kuna mengi ya mambo ambayo ninapo...tunakaribia Mwaka Mpya ambapo la—laiti ningaliweza—ningaliweza kusahau habari zake, bali ninajua ya kwamba nimeyakiri kama makosa Kwake na—Naye ameyaweka katika Bahari ya Usahaulifu, wala hatayakumbuka kamwe tena. Sasa unaona, sisi hatukuumbwa namna hiyo, daima tutakumbuka. Tunaweza kusameheana, bali ha—hatuwezi kusahau kuhusu hilo kwa sababu sisi ni—sisi ni—tumeumbwa tofauti. Bali Mungu anaweza kulisamehe na kulisahau. Anaweza tu kulifutilia mbali kana kwamba halijapata kuwako. Unaona? Kwa sababu Yeye ana njia ya kufikia hiyo Bahari ya Usahaulifu, bali sisi hatuna. Wazia tu jambo hilo, ya kwamba Mungu hawezi hata kukumbuka ya kwamba tulipata kutenda dhambi. Wazieni jambo hilo! Kwaya, enyi vijana, vipi kama...na hilo je? Mungu hata hakumbuki ya kwamba tulipata kutenda dhambi. Unaona, Yeye anaweza

kusahau jambo hilo lote, wala halitakumbukwa tena. Je! hilo lisingekuwa ni jambo kubwa?

⁹ Hapa si mahali pa kufanya mzaha. Siamini katika huko kutania ama kufanya mizaha kwenye... Inanikumbusha juu ya ra—rafiki yangu mmoja. Ameenda utukufuni sasa. Lakini a—alisimulia hadithi ndogo wakati mmoja, juu ya mu—mume na mke walikuwa wamehamia mjini na...kutoka kijijini. Nao walikuwa na... Mume na mke hawa walikuwa na baba mzee, naye alikuwa na moto kweli kweli wa Mungu. Kwa hiyo maskini bibi huyo kijana (huyo alikuwa ni baba yake) ninii... kwa hiyo alikuwa amejiunga na watu maarufu sana. Unajua, pale ambapo una hizi burudani zote za kila namna za hali ya juu. Na kwa hiyo, alikuwa akitaka kwenda kufanya namna fulani ya burudani siku hiyo nyumbani mwake.

¹⁰ Ndipo—na nanii yake—baba yake, baada ya kula chakula chake cha mchana, hivyo a—angechukua Biblia na kutoka akaingia chumbani na angesoma kwa muda kidogo. Ndipo angeiweka chini, naye angelia, na kupaza sauti, na kupiga makele, na kuendelea, kisha anasimama na kuvala miwani yake na kusoma tena. Halafu anapata kitu fulani, na kuweka miwani yake chini na kuanza kulia na kupaza sauti. Huyo mama akasema, “Kelele hizo zingevuruga karamu yangu kwa hiyo i—i—inabidi kuninii...inabidi kufanya jambo fulani na Baba, wala sijui la kufanya.” Kwa hiyo akaamua ya kwamba angemwacha aende kwenye orofa ya juu, na apande juu—juu ya ma—mahali pale.

¹¹ Ndi—ndipo akaanza kuwazia, “Vema sasa, siwezi kumpa Biblia yake, maana angefanya jambo lile lile kule juu.” Kwa hiyo akampa tu kitabu cha kale cha Jiografia, na kumpeleka kule juu. Kasema, “Baba, angalia picha za kutoka kote ulimwenguni na kadhalika wakati tukifanya karamu.” Kisha kasema, “Hatutakaa sana. Tuta—tutakuwa kule chini... Utashuka chini baada ya kitambo kidogo.” Kasema, “Ninajua hutaki kukaa mahali palipo na wanawake wote hao.”

¹² Akasema, “La, hilo ni sawa, Kipenzi. Nita—nitapanda kule juu.”

¹³ Kwa hiyo huyo baba... Huyo mama alimwashia taa na kumwandalia mahali padogo. Ndipo akawazia, “Vema, hilo—hilo linamaliza shida. Sasa, ataangalia tu picha hizo na kusoma jiografia ki—kidogo, na ndipo... na baada ya kitambo kidogo atashuka aje. Na itakuwa ni sawa.”

¹⁴ Kwa hiyo mnamo wakati walipofikia katikati ya kunywa maji yao ya limau la waridi, mnajua, na kufanya karamu yao... Ilikuwa ni baada ya kitambo kidogo, nyumba ilianza kutikisika, na huyo mzee akaanza kukimbia huku na huko sakafuni akipiga makelele na kurukaruka. Ndi—ndipo huyo mama akawazia,

“Amepatwa na nini? Hakuwa na Biblia kule juu. Hicho... Hapana shaka alipata Biblia.”

¹⁵ Kwa hiyo akapanda vipandio haraka, na kusema, “Baba!” Kasema, “Hicho unachosoma si Biblia. Hicho ni cha Jiografia.”

¹⁶ Akasema, “Ninajua, Kipenzi. Ninajua hivyo! Lakini,” kasema, “unajua, hivi majuzi nilikuwa nikisoma katika Biblia ambapo Yesu alisema ya kwamba Yeye aliweka dhambi zetu katika Bahari ya Usahafulifu, unaona, na asingezikumbuka tena. Nami nilikuwa nikisoma hapa ambapo wanasema hata hawawezi kupata kina cha chini kabisa cha bahari kwenye sehemu fulani, katika Jiografia.” Akasema, “Hebu wazia tu, hizo dhambi zingali zinazama.”

¹⁷ Hilo lilikuwa likimfurahisha. Kwa hiyo unaweza kumwona Mungu popote unapoangalia. Unaona, kama tu utaangalia kila mahali, kila kitu kitamzungumza Yeye.

¹⁸ Sasa kweli, kusema kweli, ni—nilimwambia Ndugu Outlaw, “Nitazungumza juu ya nini asubuhi ya leo? Je! umehubiri ujumbe wako wa Krismasi?”

Kasema, “Ndio.”

Nikasema, “Ujumbe wako wa Mwaka Mpya?”

“La.”

¹⁹ Kwa hiyo, nilikuwa na mihtasari michache hapa endapo kama nitapata mwaliko mahali fulani, nitazungumzia Ujumbe wangu wa Mwaka Mpya. Niliwazia ningewachia hilo Ndugu Outlaw kwa ajili ya wake, juma lijalo.

²⁰ Kwa hiyo nilifikiria pengine ningerejea kwenye fungu dogo la maneno hapa ambalo huenda likatuweka kwa dakika chache, Bwana akipenda. Na tunatumaini ya kwamba atatubariki. Ninataka kumshukuru Ndugu Outlaw na kanisa hapa, kwa kunialika kuja kuzungumza hapa. Nami... Kama vile Ndugu Outlaw alivyosema, ya kwamba “urafiki wetu kamwe haujapata kunyauka,” bali neema ya Mungu imetudumisha miaka yote hii. Hili ndilo kanisa la kwanza lililonialika, na nililokuja kwake, lilikuwa Phoenix.

²¹ Ninaamini ninamwangalia Ndugu Troll, hapa. Sina hakika... akiwa ameketi mbele. Hilo ni kweli, Ndugu Troll? Ninaamini alikuwa hapa wakati huo. Nina vitu vidogo alivyonipa mnamo wakati huo; ninii vidogo... wanavifinyanga ama chochote kile. Mnajua, vitu vidogo vya shaba kutoka hapa juu mahali mnapoishi. Na mnaangalia kote... Nami nashangaa itakavyokuwa asubuhi hiyo tutakapovuka, mwajua, na kuwaona watu... wanasema, “Vema, ninii...” Unajua, tutaonekana watu tofauti sana wakati huo, kuliko vile tulivyo sasa. Tutaninii... Hiyo ni kweli. Hatutakuwa na doa lolote la dhambi wala

uzee. Tutakuwa wakamilifu. Loo, ninautamani sana wakati huo (nanyi je!) ambapo shida zote zitakwisha.

²² Na sasa, nina Ujumbe kutoka kwa Mungu ambao ni—ninajisikia. Nami ninaninii...sitaki kuhitilafiana, bali sina budi kuwa mwaminifu. Na kama sisemi ninayoamini, basi hamwezi kuwa na imani kwangu. Kwa sababu ni—ni—ningekuwa zaidi kama msaliti ama mnafiki. Nami ni—ninataka kuwa kitu chochote kile mbali na hicho, unaona. Huenda nikawapoteza marafiki wachache duniani, bali ni—ninataka kuwa mwaminifu kwa imani yangu, kwa kile ninachodhani ni kweli.

²³ Sasa, miaka kadha iliyopita, ilikuwa ni rahisi sana wakati nilipoanza kutoka kwa mara ya kwanza; na zile ishara, na ujumbe, na kuhubiri. Kila mahali mkono ulikuwa umekunjuliwa, “Njoo! Njoo! Njoo! Njoo!” Lakini basi, unaona, kila ishara halisi kutoka kwa Mungu ina U—Ujumbe, Sauti. Unaona, inaufuata. Isipoufuata...Mungu hatoi kitu kama hicho kwa ajili tu ya raha ya kukitoa. Yeye—Yeye hutuma kitu fulani cha kuvutia usikivu wa yale anayojandaa kusema. Kama vile tulivyo na uimbaji huu mzuri ambao kwaya hii imefanya; ilikusudiwa kufanya nini? Kuwatuliza watu kwa ajili ya ujumbe ujao.

²⁴ Hivyo ndivyo—hivyo ndivyo ishara inavyofanya. Musa alikuwa na ishara tulizonena habari zake hivi majuzi usiku, na kwamba ishara hizo zilikuwa na Sauti nydingi. Na ninii... wakati Sauti hiyo iliponena...Yesu alitoka akaenda pia akiwaponya wagonjwa. Yeye alikuwa ni Mtu mashuhuri. Lakini ilipofikia wakati ambapo huyo—huyo Nabii, aliyekuwa duniani...Ambapo hawakuwa na nabii kwa muda wa miaka mia nne, Naye alikuwa yupo hapa duniani na akifanya ishara. Wakati huo alikuwa ni “mtu mzuri,” kila mtu alimtaka. Lakini wakati ule Ujumbe ulioifuata hiyo ishara (ile Sauti)...wakati alipoketi chini siku moja, na kusema, “Mimi na Baba Yangu ni Mmoja.” Loo, jamani! Hicho—Hicho—Hicho kilikuwa ni kitu cha tofauti. Wao—wao hawakutaka jambo hilo. Unaona?

²⁵ Na hilo...ulimwengu uko namna hiyo tu hata hivyo, enyi wapendwa. Unaona? Wao...chochote wanachowenza kupata, kama wanaweza—wanachowenza kujisaidia nacho, unaona...Kwamba wao wana—wanajisikia hivyo ilimradi tu haliwasumbui, mbona, wata—watafanya hivyo. Lakini inapofikia wakati ambapo hawana budi kubadilisha mawazo yao kuhusu mambo fulani, hapo ndipo shida inapotokea.

²⁶ Sasa, unaona, tunajenga jengo, si ukuta. Wajenzi wanataka kuchukua mawe ya kujengea na kushuka kwenda moja kwa moja. Sasa mjenzi yejote anaweza kujenga hivyo. Bali inahitaji makanika stadi halisi kupiga kona. Unaona? Unapoanza kukata kona, huo ndio wakati unaohitajika...inaonyesha iwapo wewe

ni—wewe kweli bado ni mwashi ama la; unapoweza kukata kona nao, na kuendeleza mwendeleo huo wa jengo, ukikata kona. Sasa ni kwenye kona hizi ambapo shida hutokea. Wajenzi wanataka kuendelea kujenga. Lakini hatujengi ukuta; bali, ni jengo.

²⁷ Sasa tunapokaribia jambo hili, asubuhi ya leo, niombeeni, nami nitaninii... Daima mimi nawaombea. Na sasa, hebu na tuinamishe vichwa vyetu kwa muda kidogo tu katika Uwepo wa Yehova Mkuu, Mungu. Na tunatambua upungufu wetu; sisi sote tunatambua. Na hakuna mtu hapa asiye na haja. Na sijui, wakati tukiomba, kama kuna mmoja wenu aliye na haja maalum?

²⁸ Unajua, Mungu asiye na kikomo, kama nilivyosema hapa Phoenix hivi majuzi m—mkutanoni hapa chini... Kama tu televisheni, inakuja, Kristo yuko mumu humu jengoni sasa. Unaona, kila hatua unayopiga, kila unapopepesa jicho lako, tendo hilo halitakufa kamwe. Liko katika mawimbi ya etha ya hewa. Televisheni haitengenezi hayo. Inachukua tu wimbi hilo lako, na kulionyesha kwenye kioo. Liko hapo hata hivyo. Daima lilikuwako. Kila hatua uliyowahi kupiga ingali iko hai, hewani. Sasa, unaona vile tutakavyokuwa kwenye ile hukumu?

²⁹ Kwa hiyo, Mungu yuko hapa vivyo hivyo. Hatumwoni, kama tu vile tusivyoona hizo picha za televisheni. Inahitaji chubu fulani ama fuwele ya kitu fulani kuishika sauti hiyo, na kuitoa tena picha hiyo na kadhalika. Hiyo ilikuwa hapa wakati Adamu alipokuwa duniani, bali ndiyo kwanza tu tuipate. Mungu yuko hapa asubuhi ya leo. Na moja ya siku hizi, katika ule Utawala wa Miaka Elfu, tutatambua. Itakuwa tu dhahiri zaidi kuliko televisheni ama vitu tunavyoviona, ya kwamba Yeye alikuwa hapa mkutanoni asubuhi ya leo.

³⁰ Sasa wakati tukininii... kutokana na wazo hilo, weka moyoni mwako unachohitaji, na uinue tu mkono wako Kwake. Je! utafanya hivyo? Sema, “Bwana,...” Na moyoni mwako, wazia wazo hilo.

³¹ Sasa, Baba wa Mbinguni, tuna njia hii moja tu, na hiyo ni kwa jinsi ya maombi. Nasi tuna—tunakuja katika Jina la Bwana Yesu. Ha—hatustahili kulitaja hilo Jina, kulitumia. Hatuninii... kamwe hatuwazii kwamba tunastahili, bali kwa sababu tumealikwa kufanya jambo hilo. Na tukijua jambo hili, ya kwamba Yeye alisema, “Mkimwomba Baba lolote katika Jina Langu, nita—nita—nitawapa.” Nasi tunaninii... laiti tu imani yetu ingaliweza kusimama nyuma ya jambo hilo, kwamba ni Neno Lake na kwamba Yeye ni Nani, ndipo tuna hakika kupata tunayoomba. Umeona kila ombi. Umeona mkono wangu. Unajua ombi langu.

³² Na Baba, ninawaombea kila mmoja wao. Ya kwamba kila kitu wanachohitaji... Bwana, siamini ya kwamba kundi kama hili lingeomba jambo lolote baya. Lingekuwa ni jambo fulani

kwa ajili ya kuundeleza ufalme wao, huenda ikawa ni kwa ajili ya uponyaji wao wenyewe; na katika kufanya jambo hilo, wangetaka...ama ufahamu wao wenyewe. Wangetaka jambo hilo kusudi wapate kuuendeleza Ufalme wa Mungu.

³³ Nami ninaomba, Mungu, ya kwamba kila ombi la kila mtu litatimizwa. Bariki kanisa hili, mchungaji wake, wachungaji wenzi, na mashemasi, wadhamini, washiriki wake wote, waalikwa, wageni. Hao si wageni, Bwana. Sisi sote tu watoto Wako kwa neema na kwa Kristo. Nasi tunaomba ya kwamba utatupa asubuhi ya leo Mkate wa Uzima sasa, tupate kuondoka hapa tukiwa na ufahamu ya kwamba maombi haya ambayo tumeomba tumepewaa.

³⁴ Libariki Neno, Bwana, ninapolisoma. Hakuna mtu ambaye—ambaye anaweza ama anastahili kulifasiri Neno hilo. Yohana alikiona hicho Kitabu katika mkono wa Yeye aliyeketi kwenye Kiti cha Enzi, wala hapakuwapo na mtu Mbinguni, wala nchini, wala chini ya nchi aliystahili hata kukiangalia hicho Kitabu. Lakini mmoja wa wale wazee alisema, “Tazama, Si—Simba wa kabilia la Yuda ameshinda.” Yohana, akiangalia amwone si—simba, alimwona Mwana-Kondoo aliyekuwa amechinjwa, Mwana-Kondoo aliyejaa damu alikuja na kukitwaa hicho Kitabu, akapanda juu ya Kiti cha Enzi na kuketi chini. Na watu wote maarufu wa Mbinguni walivua taji zao vichwani mwao na kusujudu na kujua Yeye alikuwa anastahili.

³⁵ Bwana, tunaomba ya kwamba Yeye atakuja kwenye Kiti cha Enzi cha miyo yetu asubuhi ya leo. Apande na kuchukua mamlaka ya kila wazo tulilo nalo, na kulichukua Neno na kusema nasi tupate kujua zaidi juu Yake na mpango Wake maishani mwetu. Tunaomba jambo hili katika Jina la Yesu. Amina.

³⁶ Sasa, kama mkitaka kufungua katika Biblia kwenye... Andiko hilo linapatikana katika Mathayo Mtakatifu mlango wa 21, na kuanzia na... Nafikiri tunasoma ki—kifungu cha 10 na cha 11 cha mlango wa 21 wa Mathayo. Iweni watu wazuri, mtakapoenda nyumbani, kama tayari hamjafanya jambo hilo kwenye likizo hii, kama mngeweza kusoma mlango huu wote. Ni mzuri sana. Wote ni mzuri. Huu hasa, kwa ajili ya majira haya, na pamoja na Ujumbe ninaotumaini Roho Mtakatifu atanijalia kuwalettea ninyi asubuhi ya leo.

³⁷ Angalia mlango wa 10 tunaposoma, na wa 11.

*Hata alipoingia Yerusalem, mji wote ukataharuki,
watu wakisema, Ni nani huyu?*

*Makutano wakasema, Huyu ni yule nabii, Yesu, wa
Nazareti ya Galilaya.*

Sasa hebu tuninii... Mungu na aongeze kwenye Neno Lake ma—maneno ya utangulizi ya kusomwa huku kwa Maandiko.

³⁸ Sasa tunajua ni wakati gani, na wengi wenu mnajua Maandiko ya mlango huu maalum. Ni kwenye...kwa kweli ni ile siku ambayo Kristo aliingia Yerusalem, akiwa amempanda mwana punda huyu. Nasi tunaninii...Kuna hekaya inayosema ya kwamba “alikuwa ni punda mweupe.” Ningewazia, katika mfano wa utangulizi wa kuja Kwake mara ya pili juu ya farasi wa vita. Wakati huo, nabii alisema, ya kwamba “Angepanda... Mfalme wako anakuja amepanda mwana-punda, na ni mnyenyeketu na mpole.” Hivyo ndivyo alivyokuja na—na...juu ya mwa—mwana punda, maskini mbeba mizigo. Lakini mara ya pili atakapokuja kutoka Utukufuni (katika mlango wa 19 wa Ufunuo), Yeye anakuja kama Mshindi Mwenye Nguvu. Vazi Lake limelowa damu, ameketi juu ya farasi mweupe, na jeshi lote la Mbinguni likimfuata juu ya farasi weupe. Na hekaya (si kimaandiko wala kihistoria)...Lakini hekaya inaamini ya kwamba alikuwa amepanda mwana punda mweupe alipoingia Yerusalem.

³⁹ Sasa kwa kuwa...Nimelichagua hili...bado lingali...kwa sababu tuko katika vivuli vya...ama katika wakati wa msimu wa sikukuu ya Krismasi, na—na wa Mwaka Mpya; kumalizika kwa mwaka uliopita, na mwanzoni mwa mwaka mpya. Siku chache tangu sasa, watu wengi watakuwa wakifungua kurasa mpya na—na kufanya mambo mapya na kuweka nadhiri upya; na ni mwanzo wa Mwaka Mpya. Wala kamwe haionekani kwangu kufanana sana na Krismasi. Sijui ni kwa nini, daima napenda kuiita “Siku ya Baba Krismasi.” Unaona? Kwa sababu kwa kweli hakuna mengi...

⁴⁰ Isingeweza kuwa ni siku ya kuzaliwa kwa Kristo. Kamwe isingewezekana kuwa. Angepaswa azaliwe Marchi ama Aprili, maana Yeye alikuwa ni Mwana-Kondoo. Naye alikuwa ni mwana-kondoo dume na akazaliwa chini ya *kondoo dume*, Kondoo. Ilibidi iwe hivyo, unaona. Na kondoo hawazaliwi Desemba hata hivyo. Kondoo huzaliwa katika majira ya Kuchipua. Na tena jambo lingine, vilima vya Yuda sasa, kuna futi ishirini za barafu juu yake. Wachungaji wangaliwezaje kuwa huko nje?

⁴¹ Kwa hiyo kweli inatokana na hekaya za kubuni za Kirumi, ambayo ilikuwa ni siku ya kuzaliwa kwa mungu jua. Jua linapopita, siku hurefuka na kuzidi kuwa ndefu, na usiku unakuwa mfupi. Na katikati ya Desemba 20 na 25 ni sikukuu ya kuzaliwa kwa mungu jua, chini ya ninii za Kirumi—hekaya za uongo za Kirumi. Halafu miungu yao...Ndipo wakasherehekeea siku ya kuzaliwa kwa mungu jua. Naye Konstantino, na—na kuandikwa kwa katiba ya kanisa na taifa na kadhalika. Alisema, “Tutaibadilisha” (bila kujua hiyo siku ilikuwa ni gani) “na akaiweka juu ya siku ya kuzaliwa kwa mungu jua,

na kuifanya: *sikukuu ya kuzaliwa kwa Mwana wa Mungu.*” Unaona? Ambayo...Bali hatujui ilikuwa ni siku gani.

⁴² Lakini sasa, yao, wameondoa mengi sana ya Kristo, hata imekuwa ni kila kitu...wengine tena walirudisha hekaya za kiumbe fulani kilichoishi, ilivyodhaniwa, kinachoitwa Mtakatifu Nikolas ama—ama Kriss Kringle, hekaya fulani za Kijerumani. Na yote ni hadithi za uongo tu, wala Kristo hayumo ndani yake hata kidogo.

⁴³ Na watu wamegeukia kwenye kununua wiski, na—na kucheza kamari, na mitindo. Na m—mtu ambaye... mfanyakibashara ambaye anaweza kuuza bidhaa zake msimu wote wa Krismasi anaweza kuishi mwaka mzima, karibu mwaka mzima uliosalia. Unaona? Ni likizo kubwa sana, kibiashara. Na maskini watoto wadogo mtaani; ambao wazazi wao hawawezi ku—kuwatemeblea na za—zawadi, kama ile inayotoka kwa Baba Krismasi, basi wanatembea mtaani, huku maskini mikono yao ni michafu na macho yao ni mekundu. Na—nachukia kabisa kuiona ikija. Inapaswa kuwa ni siku yenye uchaji ya kumwabudu Mungu, badala ya kuugua moyo na kuumwa na kichwa na hayo mambo yanayotendeka. Hakuna kitu kwa Kristo juu ya jambo hilo. Lakini tuko katikati ya haya yote sasa.

⁴⁴ Tunajikuta wenyewe, kitu kama walivyokuwa wakati huo. Unaona, ni kuingia tu sasa kwenye karamu kuu. Yesu alikuwa akija kwenye Sikukuu ya Pasaka. Naye alikuwa ameingia Yerusalem...ama akiingia Yerusalem. Na unabii wa kila kitu alichofanya hauna budi kutimizwa. Kila kitu katika Biblia kina maana. Kila jina lina maana. Hakuna kitu kilichoandikwa katika Maandiko ila kilicho—kilicho na maana kubwa sana.

⁴⁵ Nilihubiri hivi majuzi usiku huko Tucson, juu ya *Kwa Nini Ilibidi Iwe Ni Wachungaji Badala Ya Wanateolojia?* Yeye alizaliwa moja kwa moja karibu na kanisa. Na Roho Mtakatifu akienda huko mbali nyikani na kuwachukua, si wanateolojia, bali wachungaji. Ilibidi iwe hivyo. Wanateolojia wasingeweza kuamini Ujumbe wa namna hiyo. Kwa hiyo wao...ilibidi iwe ni wachungaji.

⁴⁶ Nilihubiri hapa, miaka michache iliyopita, miaka miwili iliyopita, *Ni Kwa Nini Ilikuwa, Ilikuwa ni Bethlehemu Mdogo?* Bwana akipenda, Krismasi ijayo, ninataka sisi kuhubiri juu ya, *Kwa Nini Ilibidi Iwe Ni Mamajusi?* Hizi “Kwa Nini”—zina majibu yake, na yako mumu humu katika Biblia. Nasi tunaishi katika wakati mzuri sana, wakati ulio mkuu kuliko nyakati zote. Tunaishi kufikia kwenye wakati, wakati wowote ambapo utaninii...wakati unaweza kukoma na Umilele unaweza kuchanganyika moja kwa moja pamoja na wakati na kuendelea. Nyakati za manabii wote na wenye hekima, walizotazamia. Inatupasa kuwa macho kila saa, tukikutazamia kuja Kwake.

⁴⁷ Tunajikuta wenyewe, kwenye Krismasi hii, karibu tu na walivyofanya kwenye Krismasi ya kwanza hata hivyo. Ulimwengu uko karibu kuperomoka. Kama nilivyohubiri wakati mmoja, mahali fulani, kuhusu ujumbe wa Krismasi, *Ulimwengu Unaporomoka*. Na ulimwengu uko karibu tena kusambaratika vipande-vipande. Angalia matetemeko ya nchi hapa California. Ninabashiri, kabla ya kuja kwa Bwana Yesu, ya kwamba Mungu atapazamisha mahali hapo. Ninaamini ya kwamba Hollywood na Los Angeles, na maeneo hayo machafu kule, ya kwamba Mwenyezi Mungu atayazamisha. Yataenda chini ya kina cha bahari. Na kuna dhambi nydingi sana, unaona, ni kile kizuizi.

⁴⁸ Ustaarabu umesafiri pamoja na jua, kutoka... na ulianzia Mashariki, ukielekeea magharibi. Na sasa uko kwenye Pwani ya Magharibi. Ukienda mbali zaidi, utarudi Mashariki tena. Kwa hiyo hicho ndicho kizuizi. Nayo dhambi imesafiri pamoja na ustaarabu, na umekuwa ni shimo la maji machafu ya nyakati zote. Mambo wanayofanya ambayo—ambayo wanadamu katika wakati mwininge wowote wasingewazia jambo kama hilo. Wanawake wamejitupa kwenye takataka nydingi sana, hata hakuna mwanamke katika wakati wowote angaliweza kufikiria jambo kama tunalofanya siku hizi. Na halafu tungali bado tunajiita Wakristo. Ni fedheha jinsi gani!

⁴⁹ Si ajabu yule nabii mkuu aliinuka, na kusema, “Mimi si nabii wala mwana wa nabii, bali...” Kasema:

Simba amekwisha kunguruma, basi ni nani asiyeweza kuogopa? Na... Mungu amenena, basi ni nani anaweza kujizuia kutabiri?

Unaona? Kuna kitu ambacho hakina budi kupaza sauti.

⁵⁰ Tuko katika saa ya hatari sana; ulimwengu uko hivyo. Lakini Kanisa, Kanisa halisi (si madhehebu); bali Kanisa, Lenyewe, liko tayari kwa ajili ya ushindi mkubwa sana liliopata kupata: kule kuja kwa Bwana Arusi kwa Bibi-arusi.

⁵¹ Tunatengana, tukimtzamia masihi fulani (kitu fulani) aje na kutookoa, kututoa katika hayo yote. Tunaangalia chini... mizozo kule Mashariki. Tunaangalia huko Afrika kwenye maasi, na shida za ubaguzi wa rangi, na kuchanganyikana, na—na ubaguzi. Nasi sote tulizozana na kupaaza sauti hapa si muda mrefu sana uliopita (marafiki zetu weusi) kuhusu, “Lazima tuninii, lazima tuchanganyikane. Hicho ndicho tunachohitaji. Lazima tuwe na kuchanganyikana; kila mtu, ni sawa, kila mtu.” Vema, hilo ni sawa kabisa. Hilo ni sawa kabisa. Mimi siamini katika utumwa. Kwanza hao watu hawakuwa ni watumwa. Wao si watumwa.

⁵² Mungu ni mbaguzi. Na mimi pia. Mkristo ye yote ni mbaguzi. Mungu huwabagua watu Wake kutoka kwa wengine wote. Wao ni ninii... Sikuzote watu wamekuwa na ubaguzi. Yeye alichagua

taifa fulani. Huwachagua watu fulani. Yeye ni mbaguzi. Aliumba mataifa yote. Lakini hata hivyo, Mkristo halisi wa kweli hana budi kuwa mbaguzi. Akijitenga na mambo ya ulimwengu na kila kitu, na kufikia kwenye kusudi moja, Yesu Kristo.

⁵³ Lakini wanapiga makelele juu ya jambo hilo. Nimejaribu kuwaambia, "Hilo silo jambo litakaloliokoa taifa letu. Hiyo ni hila tu ya kisiasa. Ni ja—jambo lenye msingi wa kikomunisti." Nafikiri Martin Luther King atawaongoza watu wake kwenye mauaji makubwa sana, na mauaji ya kinyama, waliyopata kuwa nayo. Nao... Unaona, hilo halitauunganisha ulimwengu pamoja. Hilo halitatuokoa. Tumewapa kuchanganyikana. Sasa hali ni mbaya sana kuliko ilivyowahi kuwa. Unaona, hiyo si... hilo silo swal. Kuna kitu kimoja tu kinachoweza: hicho ni Mungu. Wala wao hakika hawamtaki Huyo.

⁵⁴ Hawakumtaka wakati huo. Walikuwa wanasambaratika, na siasa zao zilikuwa zikivunjika, mataifa yao yalikuwa yakivunjika, makanisa yao yalikuwa yakivunjika, nao walikuwa wakilia wampate Masihi fulani. Walimtaka. "Loo, tutumie Masihi." Lakini wakati alipokuja...

⁵⁵ Mungu alijibu...hujibu maombi yenu. Mmeomba, nanyi mtapata. Na hiyo ni...Ningeweza kusimama hapa kwa saa kadhaa, juu ya wanaume na wanawake, hata Wakristo, wakiombea jambo fulani; naye Mungu anajibu na hata hawatambui jambo hilo.

⁵⁶ Na sasa, Mungu aliwapa *hao* jibu. Wao wakimtaka Masihi. Waliju ya kwamba walikwisha kuwa na Makaisari, nao walikwisha kuwa—walikwisha kuwa na akina Daudi, walikwisha kuwa na akina Sulemani (yule mtu mwenye hekima), walikuwa na akina Daudi (mashujaa wakuu wa vita), wao—walikwisha kuwa na kila namna, bali waliju iliwabidi kupata msaada kutoka Mbinguni nao...Mungu alikuwa amewaahidi Masihi. Naye aliwatumia Masihi huyo, katika kujibu ombi lao, bali hawakumtaka.

⁵⁷ Nashangaa, leo, kama maombi yetu...Unawasikia wakisema, "Ombeni kwa ajili ya uamsho mkuu. Ombeni kwa jambo *hili*. Ombeni kwa ajili ya ushindi. Ombeni kwa ajili ya umoja." Nashangaa, kama Mungu angetuma mpango kama huo, kama tungaliukubali. Nashangaa tu kama tungeweza kukubali anachotutumia. Unaona, Yeye...Sababu ya sisi kuombea vitu hivi, ni kwa sababu tunajua vinahitajika. Bali Mungu anapolituma jinsi vile anavyolitaka, basi si kulingana na ladha yetu, na kwa hiyo hatutalipokea. Na hivyo ndivyo ilivyokuwa katika siku ile. Kama hakuwa katika ladha ya imani yao na ninii yao... Wa—wasingempokea tena, leo. Hiyo ndiyo sababu waliuliza swal hili, "Ni nani huyu? Jamaa Huyu anayekuja ni nani?" Unaona, ulikuwa ni wa—wakati mkuu sana. Loo,

kila mtu alikuwa...wasiwasi. Jambo fulani lilikuwa karibu kutukia.

⁵⁸ Na hebu uangalie ulimwengu leo, ni wasiwasi wa namna gani ulimwengu mzima unaoishi nao. Unashuka kwenda barabaran...Ha—hata si salama kuendesha gari. Si salama kuwa katika barabara kuu yenye njia nne. Kila mtu ana wasiwasi, kusema kwa ukali na...Kuna nini? Tulia. Unaenda wapi? Hilo ndilo linalofanya hospitali za wenda wazimu kujaa. Hilo ndilo limeliletea kanisa machafuko kama hayo. Wao wana—wana kichwa kigumu sana juu ya jambo fulani. Hawatasimama na kutafakari Neno la Mungu, na saa tunayoishi; wote wamelemewa na uchovu, wasiwasi.

⁵⁹ Na sasa, tunajua. Tunafahamu. Dunia ndiyo kwanza ipitie katika uchungu mkali wa kuzaa. Nalo kanisa linapitia katika utungu fulani wa kuzaa. Ilibidi lipitie katika uchungu wa kuzaa kabla halijaweza kutoa...Kila mmoja wa manabii, walipokuja ulimwenguni, ilikuwa ni uchungu wa kuzaa kwa kanisa. Dunia imepitia katika Vita vya Kwanza vya Dunia, Vita vya Pili Vya Dunia, na sasa iko tayari kwa ajili ya Vita vya Tatu vya Dania. Na iko katika utungu wa kuzaa tena. Bali kuna jambo moja tu linaloweza kuleta amani, na hilo ni Kristo.

⁶⁰ Mipango yetu yote, na mawazo yetu, na ustawi wetu wa kikanisa, na siasa zetu zote, na sayansi yetu yote na kila kitu, vimethibitishwa kwamba ni upuuzi. Na halafu tunamwomba Mungu a—atusaidie, aingilie kati, “Aje aingie na kutufanyia jambo fulani.” Na basi anapofanya jambo hilo, sijui kama tungeweza kufahamu jambo Hilo; kama tungeweza kulipokea; ama hata tungaliweza kulifikiria?

⁶¹ Sasa hivyo ndivyo ilivyofanyika huko nyuma katika siku hiso. Walikuwa wakiomba, waliisha kuwa na kila namna ya viongozi wakuu, waliishakuwa chini ya serikali mbalimbali, waliishakuwa chini ya ufalme, waliishakuwa chini ya kila kitu, waamuzi. Bali walijua ya kwamba kulikuwako na jambo moja tu lingaliweza kuwaokoa, hilo lilikuwa ni kuja kwa Masihi. Na *Masihi* maana yake ni “aliyetiwa mafuta.” Mwanadamu aliyetiwa mafuta. Ndipo mwanadamu huyo, alietyiwa mafuta na Neno. Neno lililofanyika mwili mionganoni mwetu. Na wakati alipokuja, ha—hakuwa na ladha ya jinsi vile walivyomtaka hasa awe; si ladha waliyokuwa nayo...ambayo anapaswa kuja nayo. Kwa hiyo basi wao—wao—wao wanalia, “Mtu huyu ni nani? Ghasia yote hii ni ya nini?” Kundi la wakulima wadogo pale langoni, wakivunja mitende na...

⁶² Naye akasema, “Mbona, hebu wanyamazishe. Wanatukera, jinsi wanavyoshangilia, na kupiga vifijo, na kufanya ghasia.”

⁶³ Yeye akasema, “Wakinyamaza, miamba hii mara moja itapaaza sauti.”

⁶⁴ Loo, wakati ulikuwa ukifunuliwa! Unabii ulikuwa ukitimizwa. Si ajabu! “Simba ananguruma, ni nani hatahofu? Na Mungu amenena. Ni nani atakayejizuia kutabiri?”

⁶⁵ “La, kama hakuwa katika ladha yetu wenyewe hasa... Kama asingalikuwa jinsi tu tulivyomtaka, jinsi ambavyo tulidhani angalipaswa kuja, tusingalimpokea.” Basi, kanumi zao za imani ndizo zilizowapeleka mbali sana na Neno lililoandikwa. Walikuwa wameliacha kwa mbali sana, walishindwa kumtambua Yeye waliyekuwa wameomba aje. Makanisa yao yalikuwa yamewapeleka mbali sana, mpaka jambo lile lile walilokuwa wameliomba, lilikuwa papo hapo pamoja nao, na halikuwa katika ladha yao, na kwa hiyo wao—wao—hawakuweza kuliamini. Ilibidi wajiepushe Nalo. Walilitupilia mbali. Wao... Kuna jambo moja tu unaloweza kufanya wakati unapokutana na Kristo. Hilo ni ama umkubali au umkatae. Huwezi kuondoka ukiwa pande zote mbili. Huwezi kufanya hivyo. Si—si katika uwezo wako kufanya jambo hilo. Ndivyo ilivyo tu.

⁶⁶ Hebu angalia tu, jinsi wachache walivyomtambua kuwa Neno Lililotiwa Mafuta, la siku ile. Unaona, Mungu hapo mwanzo, akiwa asiye na kikomo, na aliyejua mambo yote tangu mwanzo... Na jambo pekee ambapo vitu hivi vilivyo ni kwamba ni onyesho la sifa Zake. Sifa... Una sifa. Ni wazo lako. *Unawazia* juu ya jambo fulani, *kisha* unalinena, halafu *unalichukua*. Hivyo ndivyo Mungu alivyo. Yeye, hapo mwanzo... Kama wewe ni ninii... Kama uliwahi kuwa ama utapata kuwa Mbinguni, kwanza ulikuwa Mbinguni. Wewe ni sehemu ya Mungu. Ulikuwa u wazo Lake. Yeye alijua jina Lako. Alijua ulikuwa ni nani kabla hakujakuwako na mo—mo—molekuli, kabla hapajakuwapo na nuru. Kabla hakujakuwako na kitu chochote, Yeye alikujua wewe pamoja na jina lako. Na akaliweka katika Kitabu cha Uzima cha Mwana-Kondoo, kabla ulimwengu haujapata kuumbwa. Unaona, ulikuwa ni wazo Lake. Halafu basi ninii... Ndipo ukawa Neno. Na neno ni—ni wazo lililotamkwa. Ndipo unadhihirishwa.

⁶⁷ Hivyo ndivyo alivyokuwa. Yeye alikuwa hapo mwanzo akiishi peke Yake. Mungu aliishi peke Yake na mawazo Yake. Hatafanya hivyo tena maana mawazo yake yanadhihirishwa. Na hiyo ndiyo sababu sisi tuko hapa sasa hivi, leo hii... ni Mungu akifanya ushirika pamoja na mawazo Yake, yakidhihirishwa. Unaona? Naam. Kwa hiyo, wewe, kwa kuwazia, huwezi kuongeza mkono mmoja kwenye kimo chako. Huwezi kufanya jambo *hili, lile*, ama *lingine*. Mungu ndiye anayeonyesha rehema. Ni Mungu. “Wote alionipa Baba watakuja Kwangu, wala hakuna mtu awezaye kuja asipovutwa na Baba Yangu.” Hilo latosha.

⁶⁸ Sasa, hebu angalia, jinsi ambavyo wachache wao katika siku Zake, kati ya mamilioni juu ya nchi, ambao hata hawakujua

kitu juu ya Yeye kuwapo hapa. Hebu wazia tu, kulikuwa na makumi... mamilioni ya watu ambaao kamwe hawakujua kitu juu ya jambo hilo. Na kuwazia, katika Israeli wakati huo, kulikuwa na watu milioni mbili na nusu huko Palestina, ya Waisraeli, wala hakuna mmoja kati ya mia moja waliowahi kujua hilo. Si ajabu Yeye alisema, "Mlango ni mwembamba na njia imesonga, lakini ni wachache tu watakaoiona." Hebu wazia tu ni wangapi ambaao hawakumtambua! Hawakujua ya kwamba Yeye alikuwa ndiye Huyo. Na wao walikuwa moja kwa moja karibu na mahali alipokuwa Yeye; hiyo ndiyo sehemu inayohuzunisha.

⁶⁹ Wale waliotembea pamoja Naye, na kumwona huko mtaani, na kadhalika... wao—wao hawakutambua kwamba Yeye alikuwa ni Nani, kwa maana Shetani alihakikisha ya kwamba Yeye alikuwa na ji—jina chafu kupindukia ambalo mtu angeweza kupewa. Yeye aliiwtwa na ulimwengu (ulimwengu wa kawaida)... A—aliitwa mwana haramu (kwa sababu alisema ya kwamba "mama yake, aliyekuwa amzae Yeye, kwa Yusufu, kabla hajaolewa naye"). Kwa hiyo alimpa jina la haramu.

⁷⁰ Na tena, ka—kanisa lilimwona katika nguvu zake kuu za kudhihirisha. Kudhihirisha nini? Si kudhihirisha kanuni fulani ya imani! Alikuwa akidhihirisha Neno! Yeye alikuwa ni Neno lililotiwa mafuta, Yeye Mwenyewe. Nao walipoona jambo hilo likitukia (kule kudhihirishwa, yule Masihi aliyetiwa mafuta), walimkataa. Hawakumtaka. Hakuwa katika ladha yao. Hiyo ndiyo sehemu inayohuzunisha. Ni wangapi...? Hebu wazia tu jambo hilo! Kama tu katika siku zingine.

⁷¹ Unaona, kila mmoja alikuwa na fasiri yake mwenyewe ya Neno. Hiyo ndiyo... sababu ya Israeli kutotukumtambua Musa. Hiyo ndiyo sababu ulimwengu haukumtambua Nuhu. Hiyo ndiyo sababu manabii wote hawakutambuliwa. Wana fasiri yao wenyewe ya Neno. Lakini Mungu, katika kila wakati, amekuwa na Masihi Wake. Unaona? Kuukataa Ujumbe wa Nuhu, ilikuwa ni kumkataa Mungu. Kumkataa Nuhu, ilikuwa ni kuangamia. Kumkataa Musa, ilikuwa ni kuangamia. Ilikuwa... Walikuwa ndio Masihi Watiwa Mafuta wa wakati huo, Neno lilloahidiwa kwa ajili ya wakati huo. Na wakati Yesu alipokuja, Yeye alikuwa ni utimilifu wa Neno.

⁷² Mungu, Mwenyewe, alifanyika katika umbo la mwanadamu, akiwa na mifupa na nyama; Mtiwa Mafuta. Na walipaswa kuona jambo hilo. Lakini unaona, ninii yao—ulimwengu wao wa kanisa ulikuwa umeongeza sana hapa na kuondoa hapa na—na kadhalika, mpaka lilikuwa limechafuliwa sana mpaka wa—waliliamini kanisa lao badala ya—ya Neno. Ndipo wakati walipoona kanisa lao limetiwa mafuta, ndipo walidhani jambo fulani kuu lilikuwa likitendeka. Lakini wakati walipoona Ne—Neno limetiwa mafuta, ndipo wakasema, "Huo ni wenda wazimu. Mtu huyu ni ibilisi, Beelzebuli." Maana lilikuwa ni

jambo lililo kinyume sana na kanisa lao mpaka...kanuni zao za imani ya kanisa na yale waliyokuwa wamefanya. Na ilikuwa hivyo katika kila kuja kwa nabii, kanisa lingekuwa limechafuka sana.

⁷³ Mungu aliwatumia sheria Zake na kuwapa agano. Naye kuhani angekuja na kukata, na kuongeza kwenye hayo, na kupeleka hapa, na kufanya kanuni ya imani kutokana nalo. Ndipo basi, Mungu angeinua kutoka mahali pasipojulikana, mtu fulani aliyetiwa mafuta aliyekuzwa katika nguvu za Roho. Na huyo daima alichukiwa na makuhani, na wafalme. Na—na ambapo manabii wa uongo walivaa mavazi yao mororo, na kutembea kwa unyenyekevu, na kwa upole mionganoni mwa wafalme na makuhani, ili wastahili majina makubwa na—na kadhalika. Ndipo nabii halisi na wa kweli, alikuja kutoka mahali pasipojulikana, si katika madhehebu yao yoyote.

⁷⁴ Je! ku—kumewahi kuwako na mahali popote katika Biblia, ambapo Mungu aliwahi kumchukua kuhani na kumfanya nabii? Ni wapi ambapo Mungu aliwahi kumchukua mwanathiolojia wa kikanisa (mtu aliyefunzwa, mwanathiolojia aliyefunzwa) na kumfanya nabii? Hakuna kamwe katika historia za mahali popote, ambapo Yeye aliwahi kufanya jambo hilo, katika wakati wowote... Yeye alipopata kufanya hivyo. Yeye hana budi kuondoka kutoka katika mfumo huo, na kumleta. Na hivyo ndivyo alivyokuwa amefanya hapa.

⁷⁵ Yesu, alipozaliwa katika Bethlehemu ya Yuda, kutoka katika familia maskini, naye hawakuwa na historia ya alikotoka kadiri walivyojua, ni kabila moja tu la—la Yuda, na mama Yake na baba yake walikuwa wanatoka katika ukoo wa Daudi; nao iliwabidi waje wakatozwe kodi. Naye huyu hapa, kijana mwanamumume tu, karibu...hana kazi ila ni kuyararua tu makanisa. Nao walimchukia. Wala wasingeweza kusema lolote ila kwamba mtu huyo alifanya miujiza. Petro alielezea hayo kwenye Siku ya Pentekoste, alisema, "Yesu, wa Nazareti, Mtu aliyethibitishwa na Mungu mionganoni mwetu, ya kwamba Mungu alikuwa pamoja Naye." Na si kuongezea kwenye Neno Lake ama chochote kile; ili kulifanya dhahiri zaidi: "Alikuwa ni Mungu aliyefanyika mwili pamoja nasi. Mungu pamoja nasi."

⁷⁶ Na kusema hivi majuzi usiku, ya kwamba Musa, akisimama pale huku amewecka mkono wake kifuani mwake, yeye...huyo alikuwa ni Mungu katika Musa. Yeye... (akishika siri moyoni mwake), naye akaunyosha ukiwa mweupe kwa ukoma. Kisha akaurudisha tena kifuani mwake na kuuponya, halafu tena akaunyosha tena kwetu wakati alipomtuma Roho Mtakatifu; ambaye alikuwa ni Mungu, tena, katika umbo lingine tu katika Siku ya Pentekoste. Nasi tunamkataa. Hatumtaki Huyo. Hivyo ndivyo walivyofanya wakati huo. Hivyo ndivyo labda jinsi tungefanya leo.

⁷⁷ Tunaona, kila mtu ana fasiri yake mwenyewe. Hiyo ndiyo sababu linatatiza sana. Lakini unajua, Biblia ilisema, ya kwamba, "Neno hili si la kufasiriwa kama apendavyo mtu fulani." Halihitaji fasiri ya Kipresbiteri. Halihitaji fasiri ya Kibaptisti. Wala halihitaji fasiri ya Kipentekoste. Mungu ndiye anayejifasiria. Yeye alisema atafanya jambo hilo, kwa hiyo Yeye analifanya tu, na hilo latosha. Kwa hiyo hiyo ndiyo sababu wanalionna Neno la ahadi lililotiwa mafuta na ndipo wao—hawawezi kulipokea. Unaona, kwa kuwa ni kinyume cha kanuni za—zao za imani.

⁷⁸ Vile Masihi (Aliyetiwa Mafuta) angeonekana, na yale angefanya; lilikuwa mbali na ufahamu wao kabisa. Na ndipo wakati waliposomewa kutoka katika Maandiko, yale ambayo angefanya, bado hawakulifahamu. Kwa kuwa wakati hawa mamajusi waliposhuka wakaja, kutoka huko Babeli, kwa namna fulani walikuwa kaskazini-mashariki kutoka Yerusalem, na wakaangalia chini na kuiona ile Nyota ikiongoza kuelekeea magharibi. Waliifuata kwa muda wa miaka miwili, wakishuka kuvuka Mto Tigris, na kupitia katika mabonde ya Shinari, na wakashuka wakaja, wakafikia kwenye mji mkuu wa dini zote. Dini iliyo kubwa zaidi ulimwenguni, katika hekalu, huko Yerusalem. Nao wakaenda huku na huko mitaani wakisema, "Yuko wapi? Yuko wapi Yeye aliyezaliwa Mfalme wa Wayahudi?" Mbona, hakuna mtu aliyejua lolote juu yake. Lilikuwa ni jambo geni.

⁷⁹ Hata liliwash tua Baraza la Wazee... likaita wasomi na kusema, "Someni katika Maandiko ambapo Masihi..."

⁸⁰ Nao wakaenda na kuyachukua Ma—Maandiko na kusoma ya kwamba Mikaya alisema, ya kwamba "Kutoka... Yuda... Bethlehemu ya Yuda, wewe hu mdogo sana katika majumbe wote? Bali kutoka kwako atakuja huyu mtawala."

Unaona, badala ya kuchunguza, walilipuzia tu, "Vema, ni lundo la ushupavu wa dini." Unaona? Hiyo ndiyo sababu wachungaji waliukubali Ujumbe. Unaona, hawaninii... Wana fasiri yao wenyewe, kwa hiyo, wa—wanakosa jambo halisi na la kweli.

⁸¹ Lakini kama kawaida, wakati Yeye alipokuja, alikuja vile vile hasa jinsi Neno lilivyosema angekuja. Aliingia mjini vile vile hasa, katika somo letu asubuhi ya leo, jinsi Neno lilivyosema Yeye angekuja. Nao wakasema, "Ni nani huyu?" Unaona ninalomaanisha? Walipaswa kujua ilikuwa ni nani. Na hapa... si ulimwengu wa nje, bali ulimwengu wa kanisa ulisema, "Ni nani huyu? Ni nani huyu?" Wakati, pale, Maandiko yalikuwa yamesema dhahiri ya kwamba hivyo ndivyo angekuja hasa. Nao wanasesma, "Huyu ni nani? Jamaa huyu ni nani? Mhemuko huu unahu nini? Acheni kupiga kelele hizo zote. Zinatukera." A-ha. Unaona? Ninii... Unaona? Kile kitu

chenyewe hasa walichokuwa wamekiomba kilikuwapo pale pale mkononi mwao, wala hawakumtambua. Naye alikuja vile vile hasa Maandiko yalivyosema angekuja. Naye akija leo, Yeye atakuja vile vile Maandiko yalivyosema atakuja. Yeye daima huja katika ladha ya Neno la Mungu, wala si katika ladha ya wazo la mwanathiolojia juu ya jambo hilo.

⁸² Jambo lingine, je! ulijua Neno la Mungu kamwe halikumjia mwanateolojia? Tafuta Maandiko ambapo lilipata kumjia. Neno haliji kwa wanathiolojia; hata kidogo. Lakini unaona, kama Neno lilidhihirishwa leo, Neno la siku yetu, lingekuwa katika ladha ya Neno la Mungu. Si katika ladha ya wazo la mtu fulani. Mungu angechukua Neno Lake ambalo aliliahid kwa ajili ya siku hii, na kulitia mafuta, na lingetimia. Hivyo tu. Hakuna njia ya kulizua lisitimie. Litalitimiliza hata hivyo, haidhuru kanisa linasema nini na wengine wote wanaamini nini. Li... Mungu atafanya jambo hilo hata hivyo. Kutakuwako na wachache tu watakaopata kujuu habari zake. Hiyo ni kweli, wachache sana. Daima imekuwa hivyo.

⁸³ Unaona, kwa fasiri yao wenye, wasingeweza kufanya jambo lingine kwa maana waliegemea kwenye yale kanisa liliyowaambia. Lakini Yeye angekuja... Daima Yeye huja wakati huo... Alikuja wakati huo, hasa, na angefanya hivyo kila wakati anapokuja, na kila kitu anachofanya, kitakuwa katika ladha ya Neno. Kwa hiyo basi, hatuwezi kuweka matumaini yetu katika yale watu wengine wasemayo. Kuna jambo moja tu unaloweza kutumainia, na hilo ni Neno. Nalo Neno ni Mungu. Na Neno linapotiya mafuta humfanya Masihii; Neno lililotiwa mafuta la wakati huu. Ni zuri jinsi gani! Wao walilikosa, hilo Neno; ile kweli... Walininii... Neno daima ni kweli, bali fasiri yao Kwake ilikuwa ni makosa.

⁸⁴ Sijui kama kitu hiki kikubwa, Baraza hili la Ekumeni tulilo nalo ulimwenguni siku hizi, na Baraza la Makanisa Ulimwenguni linalojiunga pamoja kutufanya sisi sote kitu kimoja... Nashangaa kama wanatambua kama... Hivyo ndivyo Maandiko yalivyosema hasa wangefanya. Bali wanafikiri ndilo jambo zuri kabisa ulimwenguni, kwamba sisi sote tunaweza kushikana mikono na kuwa mmoja. Kasema, "Yesu aliomba ya kwamba tuwe mmoja." Hiyo ni kweli. Lakini si umoja wa aina hiyo.

⁸⁵ Yeye alisema, "Mwe mmoja kama Mimi na Baba Yangu tulivyo mmoja." Naam, mwe na umoja wa aina hiyo. Basi hilo litakuwaje? Neno ndani yetu lingekuwa ni Neno lililotiwa mafuta. Huo ndio umoja wa Mungu. Unaona, umoja wa Mungu ni Neno lililotiwa mafuta ndani yenu. Unaona? Na ndipo unakuwa mwana (masihi) wa wakati huu.

⁸⁶ Sasa tunaona watu kuwa wako vile vile kabisa. Watu hawabadiliki. Watu hawa walikuwa wamegawanyika katika

makundi matatu. Na tutaangalia jambo hilo kwa dakika chache sasa. Ninajua nitachelewa kidogo tu, kama ni sawa kwenu. Mimi ninaenda pole pole sana, ni—ni—ninaninii tu...sijui; ni—ninaingia na kuandika Maandiko, na mihitasari midogo. Na ndipo ni—ninafika pale na Ro—Roho Mtakatifu ananyakua moja, nami ni—ni—ni—ni...inaonekana tu kana kwamba hakuna mwisho wake. Linaendelea tu. Lakini, sasa, turudi kwenye somo letu.

⁸⁷ Walikuwa wamegawanyika, pale, katika makundi matatu mbalimbali, wakiwa na maoni matatu tofauti. Baadhi yao walimwamini Yeye. Baadhi yao walimchukia. Na baadhi yao hawakuju la kufanya.

⁸⁸ Unaona? Hivyo—hivyo ndivyo tu tulivyo nalo. Nilihubiri, ninaamini katika kanisa hili, wakati mmoja: *Waaminio, Wanaojifanya Waaminio, na Wasioamini*. Hao watatu katika kundi, u—una hao kila mahali. Hawa ni watatu katika kundi, pia; kwa kuwa hii ndiyo hali watu wamekuwa nayo daima. Tunaweza kurudi nyuma kabisa na kuthibitisha, hiyo ndiyo hali ya watu daima. Daima wamekuwa katika hali kama hiyo.

⁸⁹ Tena kwa kuwa daima imekuwa namna hiyo, basi linatufanya kuelekea kuamini ya kwamba Mungu aliwaumba watu wawe namna hiyo. Mbona, Yeye atamfanya adui Wake kumsifu. Kila kitu...Paulo, akiandika, katika Warumi, mlango wa 8, alisema, “Ewe, mpumbavu. Je! udongo u—unaweza kumwambia mfinyanzi, kwa nini kufanya ninii yangu... kunifinyanga hivi? Hivi hana uwemo wa kukifanya chombo kimoja cha heshima na kingine kisicho na heshima?” Vipi kama Yeye hakuwa ameumba usiku? Usingeweza kamwe kufurahia mwanga wa jua. Kama wakati wote ungalikuwa ni mwanga wa jua, usingejua jinsi ya kuufurahia. Vipi kama kusingalikuwako na magonjwa? Kamwe usingalijua jinsi ya kuufurahia afya njema. Vipi kama kusingalikuwako na watu waovu? Hakuna wanawake waovu? Mwanamke mwadilifu asingaliheshimiwa. Unaona? Wasingeninii...Heshima isingalikuwa yake, maana wote wako hivyo tu, ni kitu kimoja tu kinachochosha. Bali ni kanuni ya utofautishaji.

⁹⁰ Mungu hufanya namna hiyo: mmoja wa kufedhehesha sana, apate kumwonyesha mwenye kuheshimika; mmoja kuwa aliyekosea sana, inaonyesha...Kama isingalikuwa hivyo, hilo lingekuwa ndilo jambo sahihi. Kama kusingalikuwako... Hakuwezi kuwako na dola ya bandia pasipokuwapo na dola halisi. Na halafu ya bandia ni...kama kwanza ingalifanywa tu ya bandia, basi ingekuwa ndiyo iliyo halisi. Lakini ni—ni nakala. Haiwezekani kuweko na...Haiwezekani kuwapo na dhambi mpaka pawepo na haki. Kwa maana haki ni ki—kitu cha haki, na dhambi ni kupotoshwa kwa haki. Kwa maneno mengine, kweli ni kweli. Uwongo hauwezi kuwa ni uongo mpaka pawepo na ukweli

kwanza; kupotosha kweli hiyo ikawa uongo. Kwa hiyo dhambi yote si kitu ila ni haki iliopotoshwa. Kwa hiyo, kuna mfumo ulimwenguni.

⁹¹ Mifumo miwili; na mmoja ni mfumo wa *kweli*, na huo mwингine ni mfumo *uliopotoshwa*. Na mmoja ni Neno la Mungu, ambalo ni kweli; na kila Neno la kila mwanadamu ni uongo. Na mfumo huu wa kimadhehebu tulio nao siku hizi, unaofanya Baraza la Makanisa Ulimwenguni upate kufanya alama ya mnyama kuiunganisha pamoja, ni kitu kiovu. Na binadamu wanaingia ndani yake kijinga.

⁹² Mungu tayari ameweka kitu duniani cha kuwakomboa. Bali wanafikiri ni kundi la ushupavu wa dini. Hawakitaki. Wanakikataa. Wanafikiri inawapasa kufanya jambo fulani kuhusu jambo hilo. Hawana budi kujifanyia mfumo wao wenye. Mungu tayari ana mfumo hapa, Neno Lake. Lakini hatulitaki. Kwa hiyo tunajikuta wenye siku hizi, kama tu walivyokuwa wakati huo.

⁹³ Na sasa, kwa kuwa watu wamefanywa kuwa namna hiyo... Angalia, unasema... Ninajua ninachukua wakati mwингi sana, lakini sitaki kuendelea kuiangalia ile kwa kuwa inanipa wasiwasi. Unaona?

⁹⁴ Siasa; sasa tunachukua kama... Hebu na tuchukue tu kwa mfano... tuone kama watu wameumbwa wapate kuwa katika tatu—tabaka tatu. Hebu na tuchukue siasa. Kuna wengine ambao wanampenda mtu huyo kupindukia. Na kundi lingine linamchukia. Na kundi lingine halijui la kufanya juu yake; hawajui ni upande upi, na linawaingiza kwenye machafuko.

⁹⁵ Mtu *huyu* alisema, “Loo, yeye ni mtu mkuu. Yeye atatufaa sana kuwa Rais aliye mzuri kuliko wote.”

Huyo *mwingine* akasema, “Yeye si kitu ila ni haini.”

⁹⁶ Halafu wale walio *katikati* wakasema, “Sasa mimi sijui la kufanya.” Unaona? Tumeumbwa hivyo. Tumeumbwa hivyo. Hivyo ndivyo wanadamu walivyo. Ilibidi iwe hivyo kutimiza mpango mkuu wa Mungu. Na kufanya mafanikio yake atakayofanikisha duniani, ilibidi mwanadamu aumbwe jinsi hiyo. Mmoja yuko *sahihi*. Huyo mwingine yuko *makosani*. Na huyo mwingine yuko katikati ya hao wawili. Daima imekuwa hivyo.

⁹⁷ Angalia, wanafanya jambo hilo kila wakati ambapo hawajui... Mtu aliye katikati, ni mahali pabaya kwa sababu: mtu anaweza kuonyesha jambo hilo, kwamba ni kwa nini anafikiri yeye ni sahihi; huyo mwingine anaweza kuonyesha jinsi anavyofikiria amekosea; na yule aliye katikati hajui kitu juu ya jambo hilo, hajui ageukie upande gani. Na hivyo ndivyo ilivyo tu katika dini. Watu wanafanya jambo lile lile siku hizi kuhusu kikomo chao cha Milele.

⁹⁸ Sasa tutaudhi, kwa dakika moja tu. Wanafanya jambo hilo kuhusu kikomo chao cha Milele. Mtu atashuka aende hapa kwenye hii—kwenye hii...kula. Na kama ungeona buibui kwenye bakuli lako la supu, ungetaka kuishtaki kampuni hiyo ama mkahawa huo. Mbona, usingekula hiyo supu, ingekuwa na sumu. U—u—u—usingeinywa hata kidogo, mende mkubwa ama kitu fulani kilichochemshwa katika bakuli la supu. Mbona, usingeinywa hata kidogo. Ingekuchefua kuwazia jambo hilo. Lakini hata hivyo, utaruhusu kundi la wanateolojia waingize kitu fulani ndani ya koo lako kitakachokupeleka maili milioni moja kutoka kwa Mungu, na unakimeza. Wakati, “Mtu ataishi kwa kila Neno litokalo katika kinywa cha Mungu.” Ni nyororo ambayo nafsi yako inaning’inia juu ya kuzimu nayo. Na kama nilivyosema hapo awali, “Nyororo ni imara sana kwenye sehemu yake iliyo dhaifu sana.” Kiungo kimoja kuvunjika...hilo tu ndilo linalokupasa kufanya ni kuvunja kimoja; hivyo tu. Vingine vyote vinaachilia pamoja nacho. Ina nguvu tu kadiri ya kiungo chake kilicho dhaifu sana.

⁹⁹ Sasa...Na mtu anayejua ya kwamba kama ukila supu hiyo iliyo na buibui mwenye sumu, labda itakufanya kuwa mgonjwa. Ingekubidi kwenda hospitalini, na—na tumbo lako lipuliziwe lifanywe tupu na upitie katika usumbufu mwangi. Na ingeweza kwa kweli kukuua. Lakini, jamani! Ungeninii... Mbona, kamwe usingekaribia mahali kama hapo. Usingetaka kuukaribia huo mlango wake tena, kwa sababu u—u—unahofu utatiwa sumu na kufa. Na halafu utajiunga kabisa, uandike majina yako kwenye vitabu, na kupingana hoja kile Biblia ilisema, “Haliuhukumu mwili wako, bali linaipeleka nafsi yako kuzimuni.” Unaona? Jinsi watu wanavyofanya mambo ya ajabu. Wao—wao wameninii...Wanachukua kikomo chao cha milele, wanakiwekea msingi juu ya tamshi la kithiolojia. Nawe unaweza kuwalettea Maandiko, ukasema, “Hivi ndivyo Biblia ilivyosema. Hili hapa papa hapa.”

¹⁰⁰ Naye mwanathiolojia ataliangalia, “Vema, hilo likuwa ni kwa ajili ya siku zilizopita.” Unaona? Nawe unamsikiliza. Unaona yale Mungu asemayo. Mkristo halisi, wa kweli husikiliza hilo Neno tu, wala hakuna la zaidi. Mtu wa Mungu huishi kwa Mkate huo.

¹⁰¹ Angalia, baadhi—baadhi yao huamini Neno. Ambapo wapo wengine wanaoamini tafsiri ya madhehebu yao. Na wapo wengine, kwa machafuko haya, wasiojua la kuamini.

¹⁰² Sasa *baadhi* yao walisema, “Loo, Baraza hili la Makanisa Ulimwenguni, hilo ndilo litakalokuwa kitu chenyewe. Litatufanya sisi sote kuwa mmoja. “Loo, hilo ndilo hasa.”

¹⁰³ Na *wengine* wanasema, “Mbona, ni la Ibilisi! Hili hapa katika Maandiko.”

¹⁰⁴ Ndipo *mtu asiyechukua muda* wa kuketi chini na kuomba na kulichunguza, alisema, “Loo, sahau jambo hilo.” A-ha. Ati nisahau? Ni ninii yako... kwa tamshi lako, ndugu, kwa wadhifa wako, jinsi unavyolichukua, litakupeleka kwenye kikomo chako cha Milele ambako utakuwa daima. Usifanye jambo hilo.

¹⁰⁵ Yatupasa kuketi chini wakati kitu chochote kama hiki kinapotukia. Na swalı, kama vile katika siku za Yesu; wakati walipokuja, kanisa lilisema, “Loo, Yeye ni mwasi tu. Yeye ni bure.”

¹⁰⁶ Lakini Mmoja alisema, “Yachunguzeni Maandiko.” Akasema, “Ndani Yake mnafikiri mna Uzima wa Milele, Nayο yanawaambia kwamba Mimi ni Nani.”

¹⁰⁷ Basi wanaume, wanawake, wenye hadhi yoyote ile ya Kikristo, ama wanaozingatia kikomo chao cha Milele, wanapaswa kuyachunguza Maandiko na kuona kwamba Yeye alikuwa ni Nani. Ndipo swalı lisingekuwa, “Ni nani huyu?” Wangesema, “Huyu hapa!” Hiyo ndiyo tofauti. Unaona, ni mwanadamu, wao—wao—wao wana mwelekeo wa kuwa hivyo. Wengine wamekusudiwa hivyo. Ni vigumu kusema hivyo, bali ni kweli. Inalionyesha. Unaona?

¹⁰⁸ Sasa, siku hizi, *wengine* wanasema, “Ninaamini Neno. Neno ni Kweli; kila Neno Lake.”

¹⁰⁹ *Wengine* wanasema, “Vema, wachungaji wetu wanaenda na kusomea ninii ya namna hiyo... Wanajua la kusema kuhusu jambo Hilo.”

¹¹⁰ *Mwingine* alisema, “Vema, sijui. Nilijiunga na *hili*. Sikulipenda. Nilienda hapa na kujiunga na *hili*. Si—sijui nijiunge na lipi.” Unaona? Hivyo ndivyo tu ilivyokuwa wakati huo, kundi la namna ile ile. Vema daima imekuwa hivyo, tangu mwanzo, na daima itakuwa hivyo.

¹¹¹ Sasa hebu na tutafakari Ukweli wa Biblia juu ya jambo hili, na tuone kama ni Jambo la kweli; kwa dakika chache tu sasa... Adamu... Hapo mwanzo ilianza namna hii, jinsi tunavyolifanya siku hizi, hajabadi lika hata kidogo. *Adamu* alikuwa “mwaminio.” *Shetani* alikuwa ni “asiyeamini;” hakuliamini Neno. Kwa hiyo akampata *Hawa*, ambaye “hakuwa na hakika” kama likuwa ni kweli ama si kweli. Unaona? *Shetani*, asiyeamini... Mungu alisema, “Siku utakapokula, siku hiyo utakufa.”

¹¹² *Shetani* akasema, “Hiyo si kweli” Unaona, wala hakuamini jambo Hilo. Adamu aliliamini. Kwa hiyo akashughulika na yule asiyeunga upande wowote. Kamwe wasingeweza kujua... huyo mwanamke asingeweza kujua.

¹¹³ Sasa, angalia, mwanamke hapa anawakilisha dhehebu la kanisa la usoni linaloitwa bibi-arusi. Yote ilichipuka katika

Mwanzo. Ni mbegu. Ukianzia katika Mwanzo; utapata picha yako sawasawa. Unaona? Sasa, hapa, mwanamke aliwakilisha kanisa la siku hizi kwa sababu wengine wanasema (sasa hebu tuwachukue Wapresbiteri, na Walutheri, na wote hao wakija huku, hawa wafanyakishara na kadhalika), “Tungependa kuwa na ninii... Tunataka ubatizo wa Roho Mtakatifu. Tu—tungependa kuupata.”

¹¹⁴ Je! unatambua siku ambayo tungeweza kuwamo? Unaona? Ingewezekana kuwa kwamba kamwe hawampati. Je! unajua Yesu alisema, “wakati hao, wanawali waliokuwa wamelala . . .”?

¹¹⁵ Sasa, kumbukeni, mwanawali aliyelala alikuja kuomba mafuta. Alifungiwa nje. Hakuyapata. Hakuyapata kamwe. Je! mnatambua ya kwamba Bibi-arusi akiisha kuondoka, kunyakuliwa kwenda Mbunguni, makanisa yangali yataendelea, watu wanafikiri wanaokoka na kila kitu kama tu walivyofanya sikuzote. Wataendelea tu kama ilivyokuwa katika siku za Nuhu. Waliendelea moja kwa moja wakila, wakinywa, na kila kitu kama walivyofanya sikuzote. Hawakujuja jambo hilo, bali mlango ulikuwa umefungwa. Na ingewezekana, enyi marafiki, ya kwamba mlango ungeweza kufungwa wakati wowote. Labda tayari umefungwa, kwa yote nijuayo mimi. Hatujui.

¹¹⁶ Kutakuwako tu na wachache wao watakaoingia. Tunajua jambo hilo, “Kama ilivyokuwa katika siku za Nuhu (watu wanane waliokolewa), ndivyo itakavyokuwa katika kuja Kwake Mwana wa Adamu.” Ni watu wachache tu watakaoolewa. Sisemi ni wanane. Huenda ikawa ni mia nane ama . . . si—sijui ni wangapi. Elfu nane . . . si—sijui. Milioni nane . . . Mimi . . .

¹¹⁷ Lakini unaona, Bibi-arusi hatafanyizwa tu kwa kundi dogo lililopo hapa duniani sasa. Wakati wa zamu ya saba, wakati Yeye alipokuja, hao mabikira wote waliamka na kutengeneza taa zao. Kutoha huko nyuma kabisa, kila mtu aliyeliamini Neno lililotiwa mafuta katika nyakati zote za huko nyuma, walikuja. Kama vile lile piramidi (sehemu ya chini), na kuja juu . . . Lakini Jiwe la Kilele lilipaswa kuja kuchukua kitu hicho chote kukifanya pi—piramidi. Unaona, kuliweka pamoja. Sasa, Bibi-arusi atafanyizwa kwa hao wote wa nyakati zote, amba walimwamini na kumkubali Kristo kama Mwokozi wao.

¹¹⁸ Sasa, Hawa hakuwa na uhakika. Adamu alimwambia, akasema, “Sasa, Mungu alisema, Mpenzi, kwamba, ‘Siku utakapokula hilo, siku hiyo utakufa’”

¹¹⁹ Lakini wao walisema . . . Shetani alisema, “Hakika hilo haliwezi kuwa ni kweli. Unawazia Ba—Baba angewatendea watoto Wake . . . Kujifurahisha kudogo tu, jambo kama hilo. Hakika sivyo ilivy.” Unaona?

¹²⁰ Na hatimaye aligeukia nini? Aligeukia ile “hakika.” Na hivyo ndivyo kanisa linavyofanya siku hizi, vivyo hivyo hasa.

“Loo, *hakika* . . . Sisi ni kanisa maarufu. Sisi ni watu mashuhuri. Tumekuwako kwa muda mrefu . . . upuuzi huu wote wanaouita ushupavu wa dini hapa nje, upuuzi hu—huu wanaouita ubatizo wa Roho Mtakatifu na kadhalika, huo ni upuuzi! Unaona, hicho . . . Hakuna kitu kama hicho. A-ha, *hakika* . . . ninatoa fungu la kumi, ninahudhuria kanisa. Mama yangu alienda kwenye . . . *Hakika Mungu* . . .” Lakini, Mungu alisema vinginevyo, na hivyo ndivyo itakavyokuwa, katika ladha tu ya Neno Lake. Alisema jinsi kanisa hili la Laodikia litakavyokuwa. Nina kitabu maalum kinachotolewa, juu yake, hivi karibuni sana, Bwana akipenda, unaona, juu ya Laodikia hii, kuonyesha ya kwamba tayari imekwisha, ya kwamba tayari ametiwa muhuri mle ndani, na Kristo yuko nje. Kamwe halikusema alirudi akaangia ndani tena, wajua. Kwa hiyo tunaona siku hizi, wakiliweka Neno nje, kama ilivyokuwa sikuzote.

¹²¹ Sasa, angalia, Musa, Neno lililotiwa mafuta . . . ama chochote tunavyomwita . . . Ninatumaini mtafahamu, ninaposema ya kwamba ye ye aliкуwa ni Masihi. Alikuwa ni Neno lililotiwa mafuta lililoahidiwa kwa ajili ya siku hiyo. Musa aliкуwa Neno! Je! mnaamini jambo hilo? Hakika, neno—neno *Masihi* maana yake ni “mtiwa mafuta.” Unaona? Sasa, Nuhu aliкуwa ni *mtiwa mafuta* wa siku yake. Ibrahimu aliкуwa amesema kungekuwa . . . Watu wake wangekuwa wageni miaka mia nne utumwani, na wangetolewa kwa mkono wenye nguvu, na yale angeonyesha: ishara zake na maajabu . . . na—na vizazi vilivyokuwa vikija, na vile vingefanya. Naye Musa alisimama pale, hilo *Neno lililotiwa mafuta* la siku hiyo. Hiyo ndiyo sababu angeweza kuweka mkono wake kifuani mwake. Kwa nini? Alikuwa amesimama katika Uwepo wa Mungu. Amina! Ule Utukufu Mkuu wa Shekina ukimzunguka kila mahali. Kila hatua aliyopiga ilimwakilisha Mungu. Hapo ndipo kanisa linapopaswa kuwa limesimama sasa. Kweli! Badala ya jambo hilo, tunaingia kwenye ghadhabu ya kitu fulani cha kimadhehebu.

¹²² Lakini Musa aliкуwa amevutiwa, naye akaenda kando. Na pale ilikuwapo ile Nguzo ya Moto ikining’inia kwenye hicho kijiti. Na hapa alisimama Musa aliyetiwa mafuta. Hapania shaka mtu huyo hata hakujua alilokuwa akifanya. Ishara alizopewa wakati aliposimama pale ameshika fimbo yake ya mchungaji, na kujua ya kwamba hiyo ingekeuwa ni fimbo huko jangwani. Iligeuka ikawa nyoka, kisha ikawa upatanisho; ndivyo ilivyofanya hiyo nyoka, huko jangwani. Mambo yote yale aliyofanya . . . Yaliкуwa ni ishara na sauti zikinena na hao watu. Unaona, kulikuwa na kitu kilichokuwa kinamhusu ye ye. Na huenda hata Musa mwenyewe hakujua jambo hilo, bali ye ye aliкуwa ni Neno lililotiwa mafuta la siku hiyo. Alikuwa ni Mjumbe aliyetiwa mafuta. Kwa hiyo kama aliкуwa ni Mjumbe

wa wakati huo, yeye alikuwa ndiye Masihi wa wakati huo. Alikuwa ni *mtiwa mafuta*.

Sasa, yeye, Joshua, na Kalebu, walikuwa waaminio kwenye kundi hilo (angalia) nao walijaribu kuwafundisha wengine Ukweli. Lakini, unaona, Shetani (Dathani na Kora) waliwafanya wengine kuangamia jangwani. Sasa, shida ilikuwa ni nini?

¹²³ Mungu alikuwa amemwita Musa. Yeye hakutaka kwenda. Hao manabii walikuwa na mambo kama hayo ya kufanya hata wao—wao... Lilikuwa ni jambo gumu kufanya. Hawakutaka kuwa wakitoka, na kudhiahikiwa. Walitaka kuwa na ushirika na kuchanganyikana na hao wengine na—na kuambatana na ndugu. Lakini unaona, kama tu vile... ninaamini... ninasahau ilikuwa ni nabii yupi, aliyesema, "Kama... sitaki kufanya jambo hili," (kwa maneno mengine) "lakin moyo wangu wote utashika moto. Mungu amenena nami sina budi kulipeleka." Kama walilipenda; kama watu walimsulibisha; kama walimpiga kwa mawe; lolote walilofanya... Mungu amenena na moyo wake, naye hana budi kulisema. Si mtu uwe tofauti, bali ni utii. "Kutii ni bora kuliko dhabihu; kutii, kuliko mafuta ya kondoo dume." Unaona, lilikuwa moyoni mwake. Hana budi kutekeleza jambo hilo. Yalikuwa ndiyo Maisha yake. Asingeweza kulizuia. Kulikuwako na kitu fulani, mdundo fulani, ulioyasukuma. Wasingeweza kulibariki wala kulilaani. Mungu alikuwa na mamlaka kamili juu yao mpaka Yeye—Yeye alikuwa ni sauti yao, tendo lao. Haleluya!

¹²⁴ Nipe Kanisa lililotiwa mafuta chakari na Mungu mpaka kila tendo lao na hatua yao ni BWANA ASEMA HIVI, linalotembea katika huo Utukufu wa Shekina, nitawaonyesha Masihi (mtu wa Mungu aliyetiwa mafuta) anayesimama juu ya nchi.

¹²⁵ Huyo hapo alisimama Musa karibu na hiki kijiti kilichowaka moto na ule Utukufu wa Shekina. Alisimama pale, ametiwa mafuta, ilikuwa ni vigumu kwake kujua alilokuwa akifanya. Alikuwa tu akitii kile ile Sauti ilichosema afanye, "Weka mkono wako kifuani mwako. Utoe. Itwae ile fimbo. Igeuze iwe nyoka. Itupe chini tena." Haidhuru mtu mwininge yejyote alisema nini, yeye alikuwa akifanya jambo hilo.

¹²⁶ Kasema, "Bwana, nionyeshe Utukufu Wako, nami niko tayari kwenda Misri. Mimi si mse maji. Siwezi kuzungumza vizuri. Bali nijalie tu kuuona Utukufu Wako." Naye akamwonyesha. Naye alishuka akaenda akachukua mambo yaya haya, na kuonyesha ya kwamba yeye alikuwa ni Masihi aliyetiwa mafuta. Mtu huyo aliokota mavumbi kutoka ardhini na kuyatupa hewani, na nzi na viroboto wakaruka kutoka katika mavumbi hayo, na kuifunika nchi. Ni nani angaliweza kuumba, ila Mungu? Alichukua maji kutoka mtoni na kuyamwaga ukingoni; na kila tone la maji kote Misri, likageuka kuwa damu. Kitu gani kingaliweza kufanya jambo hilo, ila Mungu? Ilikuwa

ni kitu gani? Alikuwa amejisalimisha kabisa kwa Neno la Mungu lililotiwa mafuta mpaka yeye akawa ni Masihi.

¹²⁷ Wamisri walijaribu kulikataa Hilo namna hii... Wasioamini walijaribu kulikataa. Wanaojifanya waaminio walijaribu njama zao. Lakini Neno la Mungu liliwapeleka moja kwa moja hata kwenye Nchi ya Ahadi. Hiyo ni kweli. Walikuwa wametiwa mafuta. Walikuwa... Yeye alikuwa ni Masihi.

¹²⁸ Sasa swalilinazuka huko jangwani. Hapa ndipo linaposababisha... Unaona, sasa, ninataka mwangalie, ndugu zangu. Sasa kumbukeni, watu hawa walifurahia hizo baraka. Walifurahia mahubiri ya nabii huyu, huyu mtiwa mafuta. Walimwamini. Walimfuata. Lakini kulitokea huko jangwani, mtu jina la—lake Dathani, na mwininge jina lake Kora. Nao wakasema, "Hii haina budi kuwa ni kazi ya mtu mmoja. Musa anafikiri yeye ndiye pekee aliyeitwa na Mungu."

¹²⁹ Huo Ujumbe wa mtu mmoja, hawakuutaka. La, hawakuutaka. Wala Mungu kamwe hakushughulika ila na mtu mmoja kwa wakati mmoja. Daima ni Ujumbe wa mtu mmoja. Ni wakati gani alipopata kushughulika na watu, nje ya mtu mmoja tu? Ni mtu binafsi. Si kundi. Wewe unawajibika kwa Mungu, kila mmoja wenu. Unasema, "Loo, ninaamini jambo Hilo." Unaninii tu... Unachofanya, unalifurahia tu. Unafurahia wazo fulani.

¹³⁰ Huyu hapa mwanamke anayesimama hapa. Mimi ni kijana mwanamume, nikingojea kuo. Anatimiza matakwa yangu kwa kila njia. Yeye ni Mkristo mzuri; anaonekana hivyo, anavaa hivyo, anaenenda hivyo, anaishi hivyo. Nitakubali atakuwa mke mzuri kwangu. Bali yeye si wangu mpaka nitakapomchukua awe wangu.

Hivyo ndivyo Ujumbe ulivyo. Unaweza kuuhurumia na kusema, "Ni wa kweli." Bali inakubidi kuuchukua wewe mwenyewe upate kuwa sehemu Yake. Ndipo wewe pamoja na huo Ujumbe mnakuwa mmoja. Ndipo upako uko juu yako, kama ulivyo juu ya wengine.

¹³¹ Sasa, Shetani, yeye hakuuamini Huo. Dathani... Aliwafanya Dathani na hao wengine kutokuuamini, akawafanya hao wote kuangamia.

Lakini unasema, "Ngoja kidogo, Ndugu Branham, wewe ulisema, 'Watatu: Musa, Yoshua, na Kalebu.'" Hiyo ni kweli kabisa. Hao ndio waliokuwako. "Lakini hapa unasema tu, 'Wawili.' Unasema hapa ya kwamba 'Kulikuwako na...'"

¹³² Unasema, "Shetani wa miujiza." Lakini kulikuwa na Mungu wa miujiza, pia, akiwatia mafuta hawa watatu. Sasa, Shetani anapakwa tu mafuta. Lakini yule mwininge anakuja, yule mwininge anakuja, hebu angalieni tu kwa dakika chache. Yeye

anajitokeza jukwaani, jina lake ni Balaamu. Yeye ni nabii mpenda fedha; anajiita nabii, ni nabii wa uongo.

¹³³ Daima kuna aina tatu za manabii. Na daima pamoja na Israeli na pamoja na hilo kundi, daima kulikuwa na manabii; hao: manabii veroro, wa kujipendekeza, waliotembea na wakitaka kujipendekeza kwa mfalme, na kupata riziki, na, vema, kama vile Ahabu alivyokuwa na hao mia nne, wote wamevaa kwa mtindo wao wa kikasisi. Naye akakwambia... akamwambia yu—yu—yule mfalme mkuu kule juu, yule Yehoshafati, kasema, “Mbona, hakika, nina mia nne, wote ni manabii wa Kiebrania, waliofunzwa vizuri.”

¹³⁴ Nao wote walikuja na kutabiri. Lakini mtu huyo alikuwa na Mungu wa kutosha ndani yake kujua ya kwamba hilo halikuwa sawa, maana alijua Eliya alikuwa amelaani kitu hicho. Na Mungu angeweza kubariki kile alichokuwa amelaani? Asingweza kufanya jambo hilo. Yeye alisema, “Je! una mmoja zaidi tunayeweza kumtaka shauri?”

¹³⁵ Akasema, “Naam, una mmoja hapa nje; Mikaya, Mwana wa Imla. Lakini,” kasema, “ninamchukia.” Kasema, “Yeye anatuingilia sikuzote akinilaumu na kuninenea kila kitu kiovu.” Ingewezezanaje... Simba alikuwa amenguruma. Mungu alikuwa amenena. Ni nani asingweza kusema Kweli? Wakati ilikuwa ni kinyume cha Neno la Mungu, ilibidi akilaani kitu hicho. Daima wamekuwa na jambo hili, huyo nabii wa uongo. Lakini daima wamekuwa na wa kweli, pia. Kumbukeni, hakukuwako na shule nzima yao. Kulikuwako na mmoja wao. Na hivyo ndivyo ilivyo katika siku yoyote. Hivyo ndivyo ilivyo, leo.

¹³⁶ Nabii wa siku hii ni Neno hili. Hiyo ni kweli. Nabii, leo, si hawa wote mbalimbali... Kuna nabii wa Kimethodisti, nabii wa Kibaptisti, nabii wa Kipentekoste, kila aina ya manabii kila mahali, kote nchini. Lakini bado inabakia: kuna nabii Mmoja wa Kweli, yeye yule jana, leo, na hata milele. Hiyo ni kweli. Yesu Kristo! Naye ni Neno. Hiyo ni kweli. Yeye ni Neno: Neno Lililotiwa Mafuta la wakati huu.

¹³⁷ Mwangalie Yeye sasa, tunaposafiri. Tunaona ya kwamba Yoshua na Caleb... Na kisha huyu hapa Balaamu anakuja katika nabii wa kukodiwa. Yeye alifanya nini? Alikanyaga moja kwa moja juu ya kila Neno la Mungu, baada ya Mungu kumwonyesha. Yeye anawakilisha madhehebu, siku hizi. Tutaonyesha jambo hilo katika dakika chache tu; Dathani, kile alichokuwa, na kile hao wengine walichokuwa. Sasa Balaamu aliwakilisha madhehebu. Mtu ambaye hakupaswa... anayepaswa kujua vyema zaidi. Alijua ya kwamba hilo likuwa ni makosa. Lakini alifanya nini baada ya jambo hilo? Mungu alimpa onyo, na bado alikanyaga moja kwa moja kwenye hilo onyo. Alikuwa ana wazimu mwangi mno wa fedha na kupendwa na watu sana kwamba aliweza kuwa ni wa kundi lao. Na hivyo

ndivyo makanisa yanavyofanya siku hizi, yanaingia moja kwa moja kwenye hilo Baraza la Makanisa Ulimwenguni. Na kila onyo linatangazwa nchini kote, na ishara na maajabu katika siku hizi za mwisho. Wanatembea na kuingia moja kwa moja ndani yake hata hivyo, kwa sababu wanapenda kusifiwa na wanadamu zaidi kuliko wanavyolipenda Neno la Mungu.

¹³⁸ Nina rafiki mzuri huko, anayehubiri ujumbe huo; Mpentekoste, huko njie akiwaambia watu, akijaribu kuliunganisha kanisa pamoja. Akisema ya kwamba, “hatuna budi kuingia ndani ya huu, uamsho huu wa ekumeni.” Mbona, wengine ndani yake...kanisa la Kristo. Mengi ya madhehebu haya ambayo hata hayaamini katika kuzaliwa na bikira, na mambo hayo yote mbalimbali, na wote ni wanachama wa huo. Watu wawili wanawezaje kutembea pamoja wasipopatana? Halafu, ulisema, “Amina” kwa jambo hilo, sijui juu ya jambo hili sasa: Basi mtu anawezaje kusema ya kwamba ye ye ni Mkristo na amejazwa na Roho Mtakatifu, na akane ya kwamba Neno hilo ni lile lile jana, leo, na hata milele? Roho Mtakatifu ndani yako ataitikia Neno hilo, kila Neno, “Amina. Amina. Amina.” Wakati Neno linaposema chocote, wewe unasema, “Hiyo ni Kweli.” Amina! Ninii...kwa kuwa unakubaliana na Neno. Unakubaliana na Mungu. Wewe na Mungu ni mmoja. Mungu yuko ndani yako. Wewe ni mwanawe ama ni binti Yake, inakufanya masihi kwa ajili Yake, Neno lililotiwa mafuta likiishi ndani yako.

¹³⁹ Angalia, Balaamu aliyakanyaga mambo haya moja kwa moja. Yeye alikuwa ni madhehebu kamili na jibu kamili kwa ladha yao. Hivyo ndivyo Dathani alivyotaka. Hivyo ndivyo Kora alivyotaka. Walitaka kuunda madhehebu kutoka kwenye kitu hicho. Wakasema, “Tuna watu watakatifu kila mahali hapa.”

¹⁴⁰ Sijali watu wawili wangetembea pamoja kikamilifu jinsi gani, kuna tofauti ndani yao. Pua zetu si sawa. Alama zetu za vidole gumba hazifanani. Kuna mambo mengi juu yetu.... Hata hivyo tunawenza kupeana damu mmoja kwa mwingine, hata katika mapacha, nao wangali ni tofauti. Basi, unaona, Mungu anamweka mtu mmoja tu katika mdundo huo, na wengine wanamwamini huyo.

¹⁴¹ Yeye alimfanya mtu mmoja, na watu wengi kutoka kwa mtu huyo. Kama vile wote wanavyokufa katika Adamu, wote wanaishi katika Kristo. Yeye alifanya njia moja ya mauti, na wote wakaenda wakaingia ndani yake. Naye alifanya njia ya Uzima, na wote wanaoiendea wana Uzima. Kutoka kwa Mtu mmoja, si watu dazeni moja walikuja na wakafa. Haikuwabidi watu dazeni moja kutenda dhambi. Mtu mmoja alitenda dhambi moja. Mtu mmoja alilipia adhabu yote. Haihitaji kutambaa tena kwa magoti yako, na kusema *Salamu Maria*, na aina yote hii ya mambo, na kuwatukuza wafu. Yesu alikuufa kusudi karama

ya Mungu ipate kuwa bila gharama. Yeye alilipia deni lote kabisa. Lakini unaona, tunataka kuwa na jambo la kuchangia katika Hilo.

¹⁴² Angalia jambo hili sasa. Jamaa hawa walitembea kule na kusema, "Vema, unajaribu kujifanya wewe ndiye mwanamume pekee kwenye kundi. Unafikiri wewe ndiwe pekee."

¹⁴³ Ndipo Moses alichoshwa naye. Akarudi, akasema, "Baba..."

¹⁴⁴ Akasema, "Jitenge nao. Ni—ni—ni..."

¹⁴⁵ "Wote—wote walio upande wa Mungu, waje huku." Ndipo akaifungua ardhi na kuwameza. Hiyo ni kweli? Wazia tu jambo hilo, ndugu. Loo, jamani! Kwa nini hawakumwamini? Kwa nini hawakuamini ya—ya—ya—ya kwamba huyu Musa alikuwa ndiye kiongozi huyo, wa Mungu? Kwa nini walitaka kushindana naye? Kunung'unika na na kulalamika daima, wakati walipouona mkono wa Mungu na kwenda chini ya...Na Musa...Mungu alikuwa amethibitisha ya kwamba—ya kwamba Musa alikuwa ni Masihi Wake aliyetiwa mafuta. Unaona? Na halafu ninii tu...Unaona, ndani ya moyo wao, walikuwa wakitaka kitu fulani tofauti.

¹⁴⁶ Ni kitu gani kilichowapata enyi Wapentekoste? Miaka michache iliyopita mlitoka kwenye machafuko hayo yanayoitwa madhehebu, kujifanya Pentekoste. Kwa nini mlitaka kurudi mle tena? Ganda lilipaswa kuja. (Punje haikuwa hapa, bado.) Unaona? Angalia, hivyo ndivyo tu walivyofanya. Hilo likuwa limo moyoni mwao. Iliwabidi kufanya jambo hilo.

¹⁴⁷ Sasa, unaona, Dathani alikuwa na wazo ya kwamba watu wote wangeweza kufanya dini kubwa kutoka katika hilo. Unajua, hata mtume Petro alikuwa na wazo lile lile kwenye Mlima wa Kugeuzwa Sura. Yeye alisema, "Na tujenge vibanda vitatu hapa; kimoja cha Musa, na kingine cha torati, na kimoja kwa ajili ya manabii, kimoja..."

¹⁴⁸ Na hapo alipokuwa bado anazungumza, kulikuwa na Sauti iliyoshuka, ikasema, "Huyu ni Mwanangu ninayependezwa Naye. Msikieni Yeye." Hapo ndipo walipoangalia nyuma, wakamwona Yesu peke yake. Huyu hapo amesimama. Yeye alikuwa ni Neno. Hilo tu ndilo unalopaswa kusikia, ni hilo Neno. Huyu Ndiye katika wakati wowote ule. Angalia vile Neno linavyosema kwa ajili ya wakati huo, na umwangalie Mungu akilitia mafuta, na uambatane Nalo. Hivyo tu.

¹⁴⁹ Wao waliifuata Nguzo ya Moto mpaka kwenye Nchi ya Ahadi. Wale waliomaliza safari waliifuata, hao wengine wakaangamia. Angalia, walitaka Neno lichanganywe na ulimwengu...ikasababisha wakosee. Na hebu angalia jinsi lilivyowafanya. Neno...Walilikosa kwa maana wasingekubali Neno lililotiwa mafuta. Unaona, huna budi kuwa na cha

bandia...Kwanza inakubidi kuwa na kilicho halisi, upate kufanya cha bandia kutoka kwake. Nao walikuwa nacho pale, naye Mungu akaonyesha ya kwamba hakuwa pamoja nacho.

¹⁵⁰ Wazia jinsi walivyokuwa wamefahamishwa Neno kikamilifu, kwa kuthibitishwa kwao. Kila kitu ambacho Musa alitabiri kingetukia. Kwamba alikuwa amewaita awapeleke kwenye Nchi hii ya Ahadi. Kila kitu ambacho Musa alitabiri kilitukia, papo hapo. Hakuna Neno Lake hata moja lililoshindwa. Ni majaliwa jinsi gani kwamba hayo yalipaswa kuwa, kujuu ya kwamba mlikuwa mkitembea jangwani... Na hapo, baadaye... Wakati alipowaambia Ujumbe, iliwabidi wauamini kwanza. Lakini baada ya kuwatoa huko, ndipo Mungu aliposema, "Nitawathibitishia ya kwamba Mimi Ndiye ile Nguzo ya Moto mliyokutana nayo jangwani."

¹⁵¹ Kwa hiyo akasema, "Wakusanye wote pamoja kuuzunguka mlima." Ndipo akashuka juu ya Mlima Sinai. Naye Mungu akaanza kunguruma.

¹⁵² Ndipo watu wakasema, "Usimwache Mungu azungumze. Acha Musa azungumze. Usimwache..."

¹⁵³ Mungu akasema, "Sitasema nao tena namna hii, bali nitawaondokeshea nabii atakayenena katika Jina Langu." Unaona? Kwa hiyo tunaona ya kwamba hivyo ndivyo Mungu amefanya daima. Kwa nini hawakuweza kuona jambo hilo hapo mwanzo? Kuona mambo haya yote, na kisha wanung'unike dhidi ya Ujumbe uliokuwa ukiwapeleka kwenye Nchi ya Ahadi; walioanza nao ipasavyo, na ukiwapeleka kwenye Nchi ya Ahadi. Lakini bado...iliwabidi wanung'unike jambo hilo. Wazia, jinsi liliyvo kamilifu...jinsi ambavyo wangeweza kutembea kila siku, wakitembea pamoja na Bwana. Ni maisha ya jinsi gani kuishi, moja kwa moja jangwani! Usiku...Wanakula mana asubuhi, iliyomwagika usiku kucha.

¹⁵⁴ Unaaja, lilikuwa ni la kawaida sana kwao hata wakasema, "Nafsi yetu inakinai Chakula hiki." Unaona? Na hivyo ndivyo imekuwa kwetu. Ninafikiria tu juu ya makundi madogo ambayo tunaninii...katika tu huduma yangu ndogo, kote nchini. Tukiona si uponyaji tu na kadhalika; huo daima umekuwako. Uponyaji; Mungu daima alikuwa na njia fulani ya uponyaji mahali fulani. Hata alikuwa na Ma—Ma—Malaika katika kidimbwi wakati mmoja. Naye alininii...kila namna ya mambo. Yule nyo—nyoka ya shaba jangwani. Daima umekuwa na ishara za uponyaji. (Hicho sicho ninachozungumzia habari zake.) Uponyaji ni jambo moja linalouvutia usikivu wa watu. Mtu yejote atachangia ibada ya uponyaji. Wata—watachangia sherehe ya nyimbo. Lakini inapofikia maskini nafsi iliyopotea, hawana uhusiano wowote nayo. Unaona, sasa hilo si ni karibu kama kweli? Tuna kila kitu...kwa maskini nafsi iliyopotea. Hawataki kujihusisha chochote na hilo. Watamwacha apapase-

papase aingie kwenye kitu chochote. Waseme, "Vema, hilo ni sawa, ye ye ni mfuasi wa kanisa. Haitadhuru chochote."

¹⁵⁵ Lakini sasa, tunaona hapa . . . (Tukikaribia kufunga upesi tuwezavyo hapa.) Wazia jinsi liliyokuwa kamilifu. Naangalia kupitia si—siku ambazo tumekuwa hapa juu ya dunia hii. Angalia yale Bwana Mungu amefanya. Alianza na ishara kubwa, na maajabu, na miujiza, ambayo sote tulifurahia. Halafu angalia . . . Ndipo ukaja Ujumbe nyuma yake.

¹⁵⁶ Angalia kile kilichotukia. Ukitembea, si peke yako tu, mtu fulani akiambatana nawe. Unaona kundi la Malaika wakija kutoka Mbinguni, wakiitikisa dunia nzima, unasimama tu pale. Na magazeti yanaandika habari zake; wakati imetabiriwa miezi na miezi hapo nyuma jambo hilo lingetukia. Yule pale amesimama pale, na kusema, "Wakati umewadia, rudi. Fungua ile Mihuri Saba ya siri ambayo ilikuwa imefichwa kote kupitia yale matengenezo na kadhalika, uielezee." Halafu kunakuja kuhubiriwa kwa *Uzao wa Nyoka*, na mambo haya yote namna hiyo. Na basi makasisi wanafanya nini? Badala ya kusema . . . "Mbona, Luther alisema *hivi ama vile*." Waninanii tu . . . Kamwe hawataliona. Unaona? Lakini ni majaliwa ya jinsi gani kwetu sisi tunaoamini; kutembea katika Uwepo wa Mungu, kila siku.

¹⁵⁷ Kusimama pale na kuona upepo wa kisulisuli ukitoka mbinguni. Ulikata mlima nusu vipande viwili, tukisimama pale mahali tulipokuwa; ukakata vilele vyta miti na vitu kama hivyo. Ndipo mlipuko wa Neno ukatokea na kupatikisa mahali pale mara tatu, kasema, "Angalia ukielekea kwenye Pwani ya Magharibi." Ukaenda moja kwa moja kule na kuitikisa sana Alaska. Na unakaja moja kwa moja kwenye Pwani ya Magharibi sasa. Kweli kabisa.

¹⁵⁸ Siku iliyotangulia, nilio kota jiwe na kulitupa hewani, na kusema, "BWANA ASEMA HIVI," 'Wakati umewadia, hukumu zitaanza duniani. Matetemeko ya nchi na kila kitu vitakuwa vikitendeka. Na Pwani yote ya Magharibi itatikiswa na kadhalika.''' Angalia jinsi liliyuo kamilifu. Siku baada siku, kila kitu ni vile vile hasa Yeye alivyosema. Tunawezaje kulikataa hilo, ndugu? Hebu na tushikilie imani yetu Kwake.

¹⁵⁹ Wao wanasesma, "Ni nani huyu?" Tunajua ni nani. Ni Yesu Kristo ye ye yule jana, leo, na hata milele, ile Nguzo ya Moto. Wakati wakati wa Musa, angalia jinsi liliyofanya; ni mfano wa Nguzo ya moto siku hizi. Daima ni ninii. . . Kwa nini hawakumwamini Yesu kuwa ni Neno? Walikuwa na fasiri mbaya na ufahamu mbaya. Kama tu vile Hawa alivyofanya, wanafanya vivyo hivyo sasa.

¹⁶⁰ Basi Balaamu na fundisho lake alikuwa sawa tu kwao. Naye alitimiza ladha yao kabisa. Kwenye ile sikukuu, angalia . . . Kwenye ile Sikukuu ya Wamoabu, unaona . . . Loo, yale

aliyosema. Angalia hapa jinsi hilo lilivyokuwa na picha ya siku hizi, jinsi linavyoonyesha mfano wake huko nyuma. (Ninawachelewesheni sana.) Lakini tazameni, angalieni, kwa muda kidogo tu, ile Sikukuu ya Wamoabu. Unaona, kama Yeye asingewatoa moja kwa moja kutoka pale kwa njia moja, Balaamu aliwatoa, ndipo akawaunganisha pamoja. Kama asingaliweza kuwalaani yeye mwenyewe... Kadiri alivyowalaani, ndivyo Mungu alivyowabariki. Iliendelea tu...

¹⁶¹ Unaona, hivyo ndivyo alivyowafanya Wapentekoste. Walisema miaka michache iliyopita, wakati ninyi nyote mlipoanza, "Msingefika popote. Mlikuwa bure. Ninyi, Mngepoa kabisa. Ninyi ni kundi tu la washupavu wa dini." Lakini kila wakati walipokazana kuwalaani, mlirudi moja kwa moja tena. Mungu aliendelea kuufunua Ujumbe Wake. Kutoka huko chini kwenye Assembly ya kale, huko nyuma kabisa mwanzoni, lile Baraza Kuu. Ndipo Yeye akauingiza wakati walipolipokea Jina la Yesu Kristo kwa ajili ya ubatizo wa maji. Ndipo mmoja akarukia upande huu, na huyo mwingine upande ule, na mmoja akaondoka...; akaunda *hili na lile*. Mungu aliendelea kubariki.

¹⁶² Sasa, vema, aliona asingeweza kuwalaani ninyi. Unaona? Kwa hiyo atafanya nini? Yeye atawafanya madhehebu. Awalete... "Loo, sisi sote ni mmoja kwa vyovoyote vile." Unaona? "Sote tunamwamini Mungu yeye yule." Kwa hiyo hivyo ndivyo tu Balaamu alivyofanya. Na hivi je! Yuda hakutuonya juu ya jambo hili? Walikosea katika njia ya... katika fundisho la Balaamu na kuangamia katika maasi ya Kora. Hivi Yuda, ndugu wa kambo wa Yesu, hakutuonya juu ya jambo hili katika Biblia? Wao ni kama Kaini, tangu mwanzo, watu wa kukodiwa. Yule aliyeenda kanisani na kujenga makanisa na—na kujenga madhabahu na kutoa dhabihu. Wanakosea katika njia ya Kaini. Wanakimbia katika njia ya Balaamu, na kuangamia katika maasi ya Kora. Yuda anaweka jambo hilo lote wazi kama tunavyofanya asubuhi ya leo, hapa mbele zenu, kama vile tumekuwa tukilifanya. Kitu hicho chote kimewekwa pale.

¹⁶³ Waliangamia katika maasi ya Korah. Hebu wazia tu jambo hilo, jinsi hilo lilivyokuwa baya. Kuwazia tu vile ambavyo Kora... Unaona, yeye alisema, "Sasa, sisi sote tutaenda kwenye karamu. Sisi sote ni mmoja." Wamoabu walimwamini Mungu. Hao walikuwa ni watoto wa binti ya Lutu. Unaona? "Sote tunamwamini Mungu mmoja." Kimsingi, walikuwa sahihi kabisa. Mwangalie Balaamu kule juu, akiwa wa kimsingi kabisa kama Mbaptisti yejote mzuri ama Mpresbiteri siku hizi. Alipanda akaja pale na hapo walikuwako Israeli, hao wasio na dhehebu... Walikuwa ni taifa. Israeli haikuwa taifa. Walikuwa ni watu wakati huo. Hawakutaka kupitia kwenye njia ya Mungu, baada ya kitambo kidogo. Walitaka kuwa kama

mataifa mengine. Hapo ndipo wanapokosea. Lakini mradi tu wanataka kukaa pamoja na Mungu, vema.

¹⁶⁴ Balaamu akatoka, akaangalia huko chini, akasema, "Vema, jamani! Ninajua mmoja wa hao wahudumu alimwoa mke wa mtu mwingle." Mambo haya mengine yote, loo hakika, walikuwa na mengi sana. Alisahau kusikia kupaza sauti kwa—kwa Mfalme kambini. Kamwe hakuona ule Mwamba uliopigwa, na huyo nyoka wa shaba akining'inia pale kwa ajili ya upatanisho. Hakutambua ya kwamba hawakuwa wamejiunga na dhehebu lolote. Walikuwa wamejiunga na Agano la Mungu, nao walikuwa wakitembea katika hilo. Unaona? Naye Balaamu akasema, kimsingi, "Nijengeeni madhabahu saba." Hayo ndiyo ambayo Yehova alihitaji. Hayo ndiyo Yehova aliyo nayo pande zote mbili. "Vema, wekeni ndama saba juu yake." Hivyo ndivyo walivyokuwa wakifanya kule chini kwenye ile kambi. "Niwekeeni madume saba ya kondoo juu yake kwa maana Masihiyuaja siku moja." Vema.

¹⁶⁵ Unaona, kimsingi, wote wawili walikuwa sahihi; kimsingi. Unaona? Lakini siku moja wakati alipoona asingeweza kumpata kwa jambo hilo, akasema, "Kama tukijiundia madhehebu pamoja basi." Na hapo ndipo walipofanya kosa lao.

¹⁶⁶ Na hapo ndipo kwa hali zote hasa Pentekoste ilipofanya kosa lake; wakati ilipojiundia madhehebu kama makanisa mengine. Mimi si adui yenu. Mimi ni ndugu yenu. Moja ya siku hizi mtatambua ya kwamba hiyo ni kweli. Huenda ikachukua muda kidogo bado, kutua kuchache kwa jua, lakini siku moja mtaona ya kwamba hiyo ni kweli.

¹⁶⁷ Ndipo fundisho la Balaamu likawapiga kama tu... Hivyo ndivyo walivyotaka. "Sisi sote ni mmoja." Unaona? Kwa hiyo, hao hapo wakaenda. Manabii wao wote na wote wakaambatana moja kwa moja pamoja nao. Na wakahudhuria ile karamu, hao wakasema, "Nasi sote tunaamini ya kwamba kuna Mungu mmoja. Hebu na tuamini jambo hilo." Kile hasa walichokuwa wakitafuta, chenyewe hasa.

¹⁶⁸ Sasa wakati Methodisti na Baptisti inapokuwa ni vigumu kwao kukusanyika pamoja kwa ajili ya madhehebu yao, lakini wakati shirika kubwa mno litakapokuja, ambapo sote tunaweza kuungana pamoja, vema. "Loo," unasema, "Wapentekoste kamwe hawatalipokea." Ati hawatalipokea? Walifanya nini hivi majuzi huko Missouri? Mlisoma magazeti yenu, hakika. Unaona? Ati hamtalipokea? La, si ninyi Wapentekoste, ninyi watu; lakini sio ninyi, ni ule utawala pale juu unaowasukuma. Hicho ni kichwa kinachowageuzea. Hiyo ni kweli. Msiambatane nacho. Kaeni mbali nacho, hiyo ndiyo alama ya mnyama. Tokeni kwake upesi mwezavyo. Unaona? Huo ni ukasi... Hicho kichwa cha utawala ndicho kinachoendesha.

¹⁶⁹ Wala tusingalitoka kwenda huko na kufanya vita na Ujerumani wala yo yote ya haya mengine. Tulikuwa na hawa...baadhi ya wanasiasa hawa wakubwa wanaoketi hapa kutengeneza bunduki mpya na kuanza...Sitaki fedha kutokana na...fedha za damu kutoka kwa mtoto wangu mwenyewe, ambaye inambidi kutoka kwenda huko na kufa kwa ajili yake. Unaona? Lakini hivyo ndivyo ilivyo, siasa ndizo zinazofanya jambo hilo. Na dunia nzima inatawaliwa na Ibilisi. Hivyo ndivyo Yesu alivyosema hasa. Wala kamwe haitakuwa sawa mpaka kwenye ule Utawala wa Miaka Elfu, wakati Yesu atakapokuja na kutwaa yote. Lakini sasa tuna shida hizi. (Tuharakishe ili tuweze kumaliza sasa.)

¹⁷⁰ Kile tu walichokuwa wakitafuta...kitu chenyewe hasa. Hicho tu ndicho walichotaka. Ushindi wa Shetani kwenye Karamu ya Wamoabu. Ana mwingine unaokuja, pia. Anawaweka wote jinsi ile ile. Ngoja...Wote mara moja! Wazia tu yale waliyofanya. Kama vile tu ilivyokuwa. Haikubidi kuchukua miaka mitatu ama minne mikubwa, mirefu, kulipanga. Wao...huyo nabii wa uongo, mtu aliyetembea juu ya Neno la Mungu...kila onyo ambalo Mungu ametuma kote nchini, na kuwaambia, "Tokeni kwake! Tokeni kwake! Tokeni kwake!" Hawatatoka. Watakaa mumo humo.

¹⁷¹ Wanalipuuza Neno la Mungu, wanayapuuza Maneno hayo, wanazipuuza ishara, wanayapuuza mambo yale tuliyano. Na wanaendelea vivyo hivyo walivyo, "Tutaungana hata hivyo. Tunasonga mbele moja kwa moja kwenda huko. Lazima tuungane. Hivyo tu. Sote tu kitu kimoja." Unaona upumbavu wa Ibilisi? Walifanya jambo lilo hilo kwenye ile Karamu ya Nikea, huko Nikea, Urumi. Waliunda madhehebu kutoka katika kitu hicho, na hivyo ndivyo ilivyotendeka. Shetani alikuwa na Karamu ya Nikea. Loo, jamani! Na tangu wakati huo... Sikelizeni, nitatamka neno kubwa mno hapa sasa. Nawe uliye kwenye kanda unayetaka kubishania jambo hili, bishana nalo mwenyewe, na historia, pia na Biblia, unaona, bali si kwangu.

¹⁷² Sikelizeni! Kila wakati Mungu anapomtuma majumbe na kuanzisha Ujumbe...Na wakati hilo kanisa, wakati kundi hilo la watu linapokuja kwenye karamu ya kimadhehebu... Huko ndiko wanakofanya jambo hilo. Huko ndiko ninyi Waassemblies mlipolifanya. Huko ndiko ninyi Waumoja mlikolifanya. Huko ndiko ninyi wengine mlikolifanya, kwenye karamu yenu ya kimadhehebu, mkijitupa wenyewe kurudi moja kwa moja kwenye kitu kile kile ambacho Mungu alikilaani tangu mwanzo. Hiyo ni Kweli kabisa. Wakati wowote ambapo kanisa liliwahi kupata ufufuo...Katika wakati wa Luther, halafu ninii...Ni jambo gani lilitukia? Wamethodisti...kote huko nyuma katika nyakati mbalimbali...Zwingli, Finley, Finney, hao wengine wote, wakati walipokuwa na ufufuo,

walifanya nini nao? Waliutupa moja kwa moja katika karamu ya kimadhehebu, na wakatambaa na kuingia pamoja na hao wengine, wakawabandika chapa kama hao wengine. Ndipo mna kundi la watu linalowatawala. Roho Mtakatifu hawezu kutenda kazi tena. Hiyo ni kweli kabisa. Ukianza kuhubiri jambo fulani linalofundishwa na Biblia, unalipenda, na madhehebu hayo hayaliamini; wanakufukuza moja kwa moja. Hebu jaribu hilo wakati mmoja uone kama ni kweli ama si kweli. Utaona kwamba ni Kweli. Unaona, kwenye karamu ya kimadhehebu kila wanapoitiwa hayo, hiyo karamu ya Balaamu, shida inaingia. Loo, Luther, Wesley, Pentekoste, na hao wote ni wahanga wake.

¹⁷³ Angalia, hapo ndipo basi, haleluya, wakati Musa alipojitokeza na kusema, "Ni nani aliye upande wangu na wa Mungu?" Amina! Hapo ndipo yule Mlawi alipouchomoa upanga wake na kupitia kambini na kuangamiza kabisa kila kitu kilichokuwa na uhusiano na jambo hilo. Amina! Kila kitu; kila mwanamume aliyekuwa na mwanamke wa Kimoabu, waliwaua papo hapo wote wawili pamoja. Sasa saa imewadnia. Mtu huyo yuko wapi? Wako wapi wana wa Haruni, baadhi ya ukuhani ambao wako tayari kulichomoa Neno la Mungu, Upanga huu wenyе makali kuwili? Kasema, "Ni nani anayesimama upande wangu na upande wa Mungu?" Yuko wapi? Waweza kualika, kualika bali hakuna mtu anayejibu. Unaona kile ninachomaanisha? Hatulielewi. Tunaninii tu...Kuna kasoro fulani. Angalia, hao hapo...Hapo ndipo Musa aliposimama na kusema mambo haya.

¹⁷⁴ Angalia, dhambi yao, waliyotenda kule, walipojiundai madhehebu pamoja na Wamoabu na kuwafanya mwili mmoja... Hawakusamehewa hiyo dhambi kamwe. Nitashikilia hilo kwa muda kidogo tu. (Tumechelewa, bali hebu kidogo tu.) Hawakusamehewa dhambi hiyo kamwe. Hakuna hata mmoja wao aliyefaulu kuingia katika Nchi ya Ahadi. Yesu alisema, katika... Samahani. Yohana Mtakatifu 6, Yesu alisema; katika Yohana Mtakatifu 6, wakati waliposema, "Baba zetu walikula mana jangwani"...Walikuwa ni Wapentekoste. Ndugu, walikula mana, walikula kitu halisi.

¹⁷⁵ Yesu alisema, "Nao, kila mmoja, amekufa. Wameangamia. Wamepotea Milele." Hawakusamehewa dhambi yao kamwe. Walifanya nini? Walivunja agano lao na Mungu, na kujiunga pamoja na Balaamu, yule nabii wa kukodiwa ambaye asingekubali onyo la Mungu; asingeckua Neno la Mungu; asingeckua kitu chochote cha Mungu. Lakini alikuwa ameyakinia kuwaunganisha wote kuwa mmoja. Unaweza kuona ujinga huo? Ningeweza kukaa kwenye jambo hilo kwa muda mrefu, lakini na—nafikiri mmelipata. Unaona? Angalia, kamwe hawakusamehewa dhambi yao; hakuna hata mmoja wao aliyeishi chini ya baraka hizo na akala mana hiyo na kila kitu.

¹⁷⁶ Wakati ule Ujumbe halisi na wa kweli ulipofikia kwenye maamuzi ya mwisho, wao waliuundia madhehebu. “Tutawachukua Wamoabu na sisi pamoja. Wao ni madhehebu makubwa, taifa kubwa. Sisi hata si... Sisi hata si taifa. Tutafunga ndoa sisi kwa sisi na—na tutakuwa sawa basi. Tutakuwa pamoja nao.” Wala kamwe haikusamehewa; kamwe, kamwe hawakusamehewa.

¹⁷⁷ Yesu alisema, “Wao, kila mmoja wao, *amekufa*.” Hebu tafsiri neno hilo katika Kiebrania ama Kiyunani, mojawapo, ama hata katika Kiingereza, linamaanisha “Utengano wa milele”; wamepotea milele. Hiyo ni kweli.

¹⁷⁸ Loo, naam, waliona miujiza. Waliona Neno lilitotiwa mafuta. Walikula mana iliyotoka Mbinguni. Walifurahia baraka za ule upatanisho. Waliuona Mwamba uliopigwa ukitoa maji Yake. Waliunywea. Walifahamu Huo kibinagsi. Lakini ilipofikia kwenye kulivunja hilo Neno... Kamwe msisahau jambo hilo! Wakati Yesu aliposema, “Mimi na Baba Yangu ni mmoja,” hakusema kuna watatu. En-he? Wakati haya mambo mengine yote makuu ya kimsingi ya Maandiko...

¹⁷⁹ Mtu mmoja alinijia hivi majuzi usiku kunionyesha mahali nilipokosea, ama kuzungumza juu ya utatu. Nina maelfu ya marafiki wazuri wa utatu. Wako katika hiyo Babeli. Nina marafiki wengi wa Umoja katika Babeli hiyo, pia. Unaona? Lakini ni kitu gani kilichotendeka? Mtu mmoja alisema, “Ni suala la msamiati, Ndugu Branham. Je! unaamini katika utatu?”

¹⁸⁰ Nikasema, “Hakika.” Nikasema, “Nitachukua neno lako: msamiati.” Nikasema, “Unaaminije jambo hilo?”

Akasema, “Ninaamini katika Mungu mmoja.”

Nikasema, “Unafanya vema.” Unaona?

Akasema, “Ninaamini kuna Mungu mmoja, na nafsi tatu katika Ungu.”

Nikasema, “Hivi wewe si mwa—mwanafunzi wa BIOLA?”

Akasema, “Ndio.”

¹⁸¹ Nikasema, “Ndivyo inavyosikika.” Nikasema, “Hilo halishuhudii mazuri sana kwa elimu uliyo nayo.” Nikasema, “Ati watu watatu, na Mungu mmoja?” Nikasema, “Kulingana na Webster, pale, haina budi kuwa ni utu kabla haijakuwa mtu. Unaamini katika miungu watatu, bwana.” Huwezi kuwa mtu pasipo kuwa na utu, maana inahitaji utu kumfanya mtu.

¹⁸² Kwa hiyo wanasesma... Akasema, “Vema, Bw. Branham, unajua, hata wanandinii—wanathiolojia hawawezi kuelezea jambo hilo.”

¹⁸³ Nikasema, “Hilo ni kweli kabisa. Neno halimji mwanathiolojia.” En-he. Nikasema, “Biblia yote imefungwa katika Ufunuo, ‘Juu ya mwamba huu nitalijenga Kanisa Langu,

na malango ya kuzimu hayawezi kulishinda.” Unaona? Amina, haya basi. Unaona? Lakini basi inapofikia mambo hayo... Loo, jamani!

¹⁸⁴ Sasa tunataka kuharakisha na kufunga upesi sana kama tukiweza. Inanibidi kuacha baadhi ya Maandiko haya na mihitasari, unaona. Sasa, angalieni, kamwe hawakusamehewa walifanya. Walifanya nini? Walifurahia zile baraka. Msisahau jambo hilo. Nitarudia jambo hilo tena. Kamwe hawakusamehewa jambo hilo. Kumbukeni, kanda hii inaenda kote ulimwenguni. Unaona? Inachezwa katika kambi huko Afrika, India, kote ulimwenguni; inafasiriwa katika lugha mbalimbali; na kambi mbalimbali, sehemu mbalimbali. Hiyo dhambi haikusamehewa kamwe. Ati nini? Wao...

¹⁸⁵ Unasema, “Vema, Mungu ahimidiwe, ni—nilifanya jambo hili. Ni—ni—nimefanya jambo hili. Nimekula mana ya Mbinguni. Ni...”

¹⁸⁶ Naam, wao walikula, pia. Na Yesu alisema, “Hao, kila mmoja, amekufa.” Lakini ilipofikia ule Ujumbe wenyewe hasa, ambapo hawapaswi kuvunja Agano hilo, pamoja na taifa lingine. Mungu alikuwa ni mbaguzi na aliwabagua watu hao, nao hawakupaswa kuwa na uhusiano wowote na mtu mwengine yeyote, kufunga ndoa na mtu yeyote. Nalo Kanisa halisi na Bibiarusi halisi na wa kweli wa Kristo, ameunganishwa na Kristo ambaye ni Neno. Nawe huoi na kuolewa katika shirika lolote, madhehebu yoyote. Unadumu kikamilifu pamoja na Kristo na Neno hilo, kama mtu binafsi. Kufanya hivyo ni utengano wa Milele kutoka kwa Mungu. Ninatumaini kila mtu analipata hilo.

¹⁸⁷ Sasa, katika fungu letu, ilikuwa inakaribia Sikuu ya Pasaka; ilikuwa ikienda kuadhimishwa. Ilikuwa ni wakati wa kicho sana. Watu walikuwa wakilala nje ya malango. Kila Pasaka walifanya hivi. Walikuwa nje wamelala chini. Hoteli zilikuwa zimejaa na kila kitu. Ilikuwa ni Pasaka. Kulikuwa na matarajio makuu kule. Jambo fulani lilikuwa linakaribia kutukia. (Sasa, mnamo dakika tano zaidi nitakuwa nimetoka, Bwana akipenda, ama kumi.) Kila mtu alikuwa amehemukwa.

¹⁸⁸ Angalieni, kuna tabaka tatu za watu kule. Unaona, kulikuwa na matarajio makubwa. Walijua ya kwamba mtu huyu wa ajabu alikuwa akija kwenye sikukuu hii. Baadhi yao *walimpenda*; walimwamini. Baadhi yao *walimchukia*; wengi wao walimchukia. Na kwa sababu mmoja alimpenda na huyo mwengine alimchukia, mtu wa katikati *hakujuua* la kufanya. Unaona? Hawakujua. Angalieni, hewani kulijaa matarajio. Mmoja akisema, “Atakapofika kule juu, ninakwambia tutamwita... Tutampa jaribio la Neno. Tutamsimamisha pale karibu na kuhani mkuu. Tutaona vile hekima yake ilivyo dhidi ya Kayafa.” Tayari alikuwa amethibitisha jambo hilo. Unaona?

¹⁸⁹ “Lakini tutafanya hivi: Tutaona...Ninajua ya kwamba baadhi ya viongozi wakuu watamshika. Jamani, watamshambulia maskini jamaa huyo kwelikweli. Watamfanya ajue alichokuwa, wanapoanza kuchezacheza na makuhanini wetu. Lo, wanajua wanaloofanya. Wao ni watu werevu. Wanajua wanaloofanya.”

¹⁹⁰ Wengine walisema, “Sijui watafanya nini na jamaa huyo kwa vyovyote vile.”

¹⁹¹ Wengine walisema, “Loo, ninamngojea aje. Mungu yuko pamoja Naye. Yeye ni lile Neno. Loo, naninii tu—ninataka tu kumwona.” Unaona? Loo, walikuwa wamegawanyika. Sasa, unaona, wale waliomjua na kumwamini, wangejua watangoja kwenye lango lipi. Unaona? Walijua atapitia njia ipi. Kuna matarajio makubwa, lakini mnajua, hakukuwa na wengi sana waliomwona. Unaona, kuna wengi ambao hawakumwona. Ndivyo ilivyo leo hii.

¹⁹² Baadhi yao walisema, “Yeye ni mtu mzuri. Loo, hakuna kitu chochote kibaya Kwake. Kama Napoleon, Washington, yeye alikuwa ni mtu mzuri. Lakini, loo, kama mwalimu, la, la.”

¹⁹³ Baadhi yao walisema, “Loo, Yeye ni mtu mzuri. Loo, Yeye—Yeye amechanganyikiwa tu, hivyo tu. Ni jamaa mzuri. Hakuna mtu anayeweza kusema jambo lolote baya kumhusu Yeye.”

¹⁹⁴ Wengine walisema, “La, Ye—Yeye ni ibilisi. Ninaweza kukwambia ya kwamba—ya kwamba upuuzi huo wa kusoma mawazo na upuuzi huu mwingine wote, na huo—huo ni unabii wa uongo. Ni kinyume cha kanuni yetu ya imani. Kamwe usiamini kitu kama hicho.

¹⁹⁵ Na huyo mwingine, alisema, “Utukufu kwa Mungu, Ni Mungu. Ninamjua. Ninaona.” Nao walikuwa wakingoja. Sasa hivyo ndivyo hasa tunavyosimama siku hizi, bali ni jambo lile lile: Neno lililotiwa mafuta kwa ajili ya wakati huu; Wakati wa Kanisa la Laodikia.

¹⁹⁶ Sasa tutafunga katika kusema jambo hili. (Hebu kidogo tu.) Tabaka tatu zilimngojea. Ndivyo ilivyo siku hizi, hiyo ni kweli, tatu. Angalia, waaminio walikuwa wakipaaza sauti. Unaona? Unaona? Huduma Yake ilikuwa imemfanya kupendwa na wengine, kuchukiwa na wengine, na tabaka nyingine kumshangaa. Unaona? Huduma Yake...Hebu ninukuu jambo hilo tena. Huduma Yake, vyo vyote ilivyokuwa...Tunajua sasa, ilikuwa ni Neno. Lakini *huduma* Yake ilikuwa imewafanya watu fulani kumpenda. Walikusudiwa tangu zamani kufanya hivyo. Unaona, waliamini. Waliiona. Hakukuwa na niniii tena... Wakati Nathanaeli alipokuja pale, na—naye akamwambia kile alichofanya namna *hiyo*, yeye akasema, “Rabi, Wewe ni Mwana wa Mungu. Wewe ni Mfalme wa Israeli, hamna swalii niani mwangu.”

¹⁹⁷ Simoni alikuwa akisimama pale, kasema, “Loo, Andrea, sitaenda huko. Nimesikia upuuzi huo wote hapo awali.”

¹⁹⁸ “Lakini,” Andrea, “unapaswa kuja. Unapaswa kuja, njoo tu wakati mmoja twende pamoja.”

¹⁹⁹ Na wakati alipokuwa ameketi pale, Yesu alimwona akija, unajua, akija. Kasema, “Jina Lako ni Simoni. Wewe ni mwana wa Yona.” Hapakuwa na swali tena. Unaona, ni hayo tu. Walikuwa pale. Waliyaminjambo hilo. Waliliona. Walijua hivyo ndivyo Masihi alipaswa kufanya atakapokuja.

²⁰⁰ Ilibidi awe ni Nabii, kwa maana Musa alisema, “Yeye angekuwa ni Nabii.” Na mashakamashaka hayo yalikuwapo kwa miaka mia nne bila nabii. Ilihitaji nabii kuyatatua, sikuzote katika kila wakati. Naye huyu hapa amesimama pale.

²⁰¹ Hapakuwapo na swali kwao. Walikuwa wakingojea pale wakiwa na mitende mkononi mwao, “Atafika baada ya kitambo kidogo.” Wakingojea!

²⁰² Jiji lote, limejaa wasiwasi. Walisema, “Hilo ni kundi la washupavu wa dini waliokusanyika huko nije langoni.”

²⁰³ Mwingine alisema, “Sijui atafanya nini atakapokuja hapa. Unajua, kweli ni—ninaamini ya kwamba ye ye ni wa bandia. Ninaamini ana mguu wa sungura anaosugua nao sikio Lake, mnajua, ama kitu fulani kama hicho, mnajua.”

²⁰⁴ Na kama wanavyosema siku hizi, “Loo, ni namna fulani ya telepathia ya akili. Ni—ni kitu fulani . . .” Wanaweza kulielezea vinginevyo.

²⁰⁵ Mwingine alisema, “Huyo ni ibilisi. Wewe kaa upande huu wa mji. Usiwe na uhusiano wowote na jambo hilo. Usishiriki katika mkutano huo. Usishuke kwenda kule, unaona. Hatutakuwa na uhusiano wowote nalo.” Tabaka tatu za watu.

²⁰⁶ Sasa angalia. Sasa Huyu hapa anakuja amepanda mwana-punda akiingia mjini. Vile vile hasa Neno lilivyosema angefanya. Amepanda maskini mwana-punda, akiingia mjini. Wale wasiokuwa wakiangalia kanuni ya imani, wasiokuwa wakiangalia Hekalu, wasioangalia mambo haya mengine yote, wasiokuwa wakiwaangalia makuhani, yale waliyokuwa wakisema. Wale waliomwamini Yeye, walikuwa wamesimama pale wakiwa na mtende mkononi mwao. Wakingojea tu hatua ya kwanza. Kamwe hukuwasikia wakisema, “Ni nani Huyu anayekuja?” Loo, la! Walijua ni Nani aliye kuwa akija. Wanajua yale Neno liliyosema. Unaona? Na tabaka hilo jingine, unawaona huko nyuma mjini? Ndipo basi waliposikia kelele hii: “Hosana kwa Mfalme! Hosana kwa Mfalme ajaye katika Jina la Bwana. Hosana! Hosana!” Na kupiga makelele huko kote!

²⁰⁷ Makuhani walitoka mbio kuona vurugu hii ya kidini ilikuwa ni ya nini. Ndipo watu wakasema, “Ni nani Huyu?” Walikuwa

hapo kwa sababu gani, enyi wapendwa? Sikukuu ya kidini! Mungu yule yule aliywafanya waiadhimishe Sikukuu hii, aliwaambia ya kwamba Yeye angekuwa pale namna hiyo tu, nao wakapaza sauti, “Ni nani Huyu?”

²⁰⁸ Wakati haujabadilika. Watu wameumbwa kama vile walivyokuwa wakati huo. Waebrania 13:8 ilisema, “Ni yeze yule jana, leo, na hata milele.” Sasa nitafunga kwa kusema jambo hili: Swali haliko kwao tena. Waliuliza, “Huyu ni nani?” Lakini katika mwaka wa 1964, swali ni: “Ati Mnasema ni Nani?” Haya yote yanahusu nini? Je! umesimama kuyachunguza Maandiko? Unafikiri Huyu ni nani? Ni telepathia ya akili? Je! ni kitu fulani cha wenda wazimu kutoka huko jangwani mahali fulani, kama walivyosema, “Yohana alikuwa ni mtu, mshenzi, aliyejkuwa akiwazamisha watu huko majini.” Wakati, Isaya alisema ya kwamba angekuwako, mtangulizi. Malaki ilisema angekuja vivyo hivyo hasa. Hao manabii walisema, “Nabii huyu atatoka moja kwa moja kule kutangulia jambo hilo.” Nayehuyu hapa.

²⁰⁹ Walisema, “Huyo ni mshenzi. Kaeni mbali naye. Unaona? Msijihuchochote naye.” Na huyu hapa Masihi anakuja, kama tu vile hasa Maandiko yalivyosema, “Ya kwamba angeingia mjini akiwa amepanda juu ya mwana punda. Mpole na mnyenyeketu, amepanda mwana punda, akiingia mjini, Maandiko yapate kutimizwa.” Na hawa hapa watu wamesimama kwenye sikukuu ya kidini tena, kama Balaamu, kwenye sikukuu ya kidini, wakisema, “Ni nani Huyu?”

²¹⁰ Na siku hizi, Maandiko yaliyoahindiwa kwa ajili ya wakati huu, wapendwa, yametimizwa moja kwa moja katikati yetu, saa baada ya saa. Mnfikiri ni Nani? Hebu na tuchunguze jambo hilo tunapoinamisha vichwa vyetu.

²¹¹ Mungu mpenzi, sote tunawazia kwa uzito, kwa kina, kwa maana hatuna budi kufanya jambo hili. Liko mikononi mwetu, Bwana. Tunakuona Wewe, Mfalme mkuu. Tunaona ahadi Yako ya Neno. Tumekuwa tukitazamia jambo hili kwa miaka mingi, kwa ajili ya kuja kwa wakati huu muhimu, ambapo tunaishi sasa hivi. Tunaona Neno Lako lililotiwa mafuta ndani ya watu Wako, wakiliishi, vile vile hasa uliviyosema ingetukia. Tunaona upande ule mwingine kundi la Shetani limetiwa mafuta. Na tumeliwakilisha kote nchini, huku na huku katika Neno, hivyo halitasalia jiwe juu ya jiwe ambalo halitapinduliwa. Sijui ni nani umemkusudia uzima, Bwana. Si kazi yangu kujua jambo hilo, hiyo ni kazi Yako. Lakini ni kazi yangu ni kujaribu kila njia. Mungu nisaidie, wasaidie watu wengine wanaoamini. Fanya kila linalowezekana, Bwana, kusudi kusiweko na yejote uliyemchagua ila ambaye atasikia hilo.

²¹² Tunataka kuona kuja Kwako, moja kwa moja katika kizazi chetu, Bwana. Tunaamini hilo. Tunaamini ya kwamba—ya kwamba kuna Ijumaa nytingine ya Matawi; kuwepo kwa Ijumaa

Kuu na Ijumaa ya Matawi. Kusulibishwa kwa Kanisa Lako, bali ushindi wetu utakapokuja umepanda mwana punda.

²¹³ Tunaomba, Mungu, ya kwamba utabariki, leo, watu Wako. Bariki kanisa hili dogo. Bariki mchungaji huyu mpendwa na mwanawe hapa, Ndugu Outlaw na—na mwanawe; Jimmy Mkubwa na Mdogo pia. Mbariki kila mtu aliyepo hapa.

²¹⁴ Mungu, jalia tusije hapa kamwe asubuhi ya leo . . . Nijalie . . . Sikuendesha motokaa kamwe kutoka Tucson kuninii tu . . . Kama ningelikuwa na majaliwa ya kuzungumza na watu fulani, Bwana, ha—haikuwa ni ku—kutukuzza chochote ila Mtu huyu, ambaye watu wanashangaa kwamba ni nani. Wanajua ya kwamba mwanadamu hawezu kufanya mambo haya. Wanajua inapita uwezo wa mwanadamu kujua mambo haya. Lakini watu wanasema, “Ni kitu gani?”

²¹⁵ Bwana, tunajua kwamba ni Wewe. Ni Yesu Kristo, katika utu wa Roho Mtakatifu. Yeye ni Roho Mtakatifu. “Nimetoka kwa Mungu. Ninaenda kwa Mungu.” Na tunaona ile Nguzo kuu ya Moto miongoni mwetu, Bwana. Ile ile waliyoiona katika sehemu ya kwanza ya Biblia ikiwa pamoja na Musa. Tumeiona katikati ya Biblia wakati Paulo alipokuwa njiani akienda zake Dameski. Tunajona. Sasa hapa tunaiona katika wakati wa mwisho tena. Tatú ni thibitisho. Imekuwa ndio Ujumbe kila wakati.

²¹⁶ Mungu, jalia wanaume na wanawake wasishikilie tena mapokeo na kanuni za imani. Lakini jalia watoke kutoka katika kitu hicho, wayakabidhi maisha yao kabisa kwa Mungu na waaminio; si kutumainia nadharia na mambo ya mwanadamu, bali wamtumaini Mungu Aliye Hai. Wakati sikukuu hizi zinapoendelea, kilio kingali ni: “Ni nani huyu? Ni kitu gani? Yote haya yana maana gani?” Watu wa dini wanasema jambo lile lile. Na ni Bwana Yesu ye ye yule, aliyefanyika mwili katika watu Wake, akilitia mafuta Neno Lake kwa ajili ya Bibi-arusi. Nao hawawezi kufahamu jambo Hilo. Wote wamemezwa kabisa katika Laodikia, mpaka hawajui hayo yote ni kitu gani. Lakini nabii alisema, “Itakuwa Nuru wakati wa jioni.” Kwa hiyo sasa, tunalitarajia, Bwana. Njoo, Bwana, mbariki kila mmoja.

²¹⁷ Huku vichwa vyenu vimeinamishwa sasa, na miyo yenu. Je! mnaamini jambo hili kwamba ni Kweli? Mnaamini? Inua tu mkono wako, useme, “Kwa kweli ninaamini hilo kwamba ni Kweli, ya kwamba tunaishi katika siku za mwisho. Tupo hapa sasa na ninaamini tumechanganyikiwa sana . . .” Ulikuwa mkutanoni hivi majuzi, wakati ngano, shina . . . Unaona, hatujakuwa na dhehebu lililoufuata huu. Nimekuwa papa hapa pamoja na mchungaji wenu wakati wote, mwaka rudi mwaka nenda. Kwa kawaida, miaka miwili ama mitatu na unaundiwa madhehebu. Haukuunda dhehebu wakati huu. Hauwezi. Kapi lilijiondoa Kwake, bali hakuna mwendeleo zaidi. Ngano, huduma imegeuka moja kwa moja ikarudi jinsi

ilivyokuwa pale mwanzo. Ni Yesu Kristo mionganoni mwetu, ewe rafiki. Si mtu fulani, ila yule Mtu Kristo Yesu anayeishi ndani yako, naye anataka kuwa sehemu ndani yako, nawe uwe sehemu Yake. Je! hutampokea leo?

²¹⁸ Je! yupo yejote hapa ambaye bado hajapokea ubatizo wa Roho? Sasa unasema, “Ndugu Branham, ninakwambia, nilipaaza sauti wakati mmoja.” Hilo ni zuri sana. “Nilinena kwa lugha wakati mmoja.” Hilo ni zuri kabisa, pia. Bali bado hilo silo ninalozungumzia. Unawezaje kupaaaza sauti na kunena kwa lugha na kulikana Neno? Ishara ya Roho Mtakatifu ni kuamini Neno Lake. Daima imekuwa hivyo katika kila wakati kama unaweza kulipokea Neno. Wale makuhani walikuwa wamemzidi Yesu kwa maili milioni moja inapofikia kwenye matunda ya Roho: wenye utu wema, na wenye amani, na wapole, na wanyenyekevu. Aliyararua makanisa, akawatoa njie; na kuwachambua watu, na kuwaita “wadanganyifu” na kila kitu. Unaona? Lakini Yeye alikuwa ni lile Neno. Alikuwa lile Neno. Naam: mwamini Mungu. Mungu ni Neno. Liamini.

²¹⁹ Kama kamwe hujapata kupokea ubatizo wa Kikristo bado, kuna kidimbwi hapa. Kamwe hujapokea Roho Mtakatifu halisi bado, ambaye anakufanya ujue ya kwamba kila Neno la Mungu ni Kweli; unasema, “amina” Kwa Neno Hilo na unaliamini kwa moyo wako wote, basi unaweza kumpokea asubuhi ya leo. Na ndipo hutashangaa kwamba Huyu ni nani anayewafanya watu watende jinsi wanavyotenda. Utajua kwamba ni kitu gani. Kama huna tukio hilo, je! waweza kusema, “Ndugu Branham, nikumbuke katika maombi yako, nami nitainua mkono wangu”? Nawe unasema, “Nami nita—nita- . . .” Mungu akubariki. Mungu akubariki, wewe, wewe. Mungu akubariki, hilo ni jambo jema. Mungu akubariki, vema.

²²⁰ Ee Mungu, muziki mtamu unapochezwa . . . Loo, Yeye ni wa ajabu! Hakika. “Mshauri, Mfalme wa Amani, Mungu Mwenye Nguvu, Baba wa Milele.” Ninaomba ya kwamba utawapa watu hawa, Bwana. Ninaweza tu kuomba. Hivyo ndivyo tu ninavyo jua kufanya, ni kuwaombea. Waliinua mikono yao. Ninafanya kama nilivyowaahidi kufanya, ninaomba ya kwamba utawapa tukio hili kuu; sio tu mhemuko wa hali fulani, bali tukio la kweli; kukutana na Mungu kama Musa alivyofanya huko kwenye ardhi ile akiwa katika Utukufu wa Shekina; na si pale tu, bali wasiliache Neno hilo kamwe, waende moja kwa moja mpaka waingie kwenye Nchi ya Ahadi Nalo. Mungu, mjalie kila mtu, asubuhi ya leo.

²²¹ Kuna magonjwa mionganoni mwetu siku ya leo, Mungu. Tunaomba ya kwamba utayaponya hayo. Mponye kila mtu aliye mgonjwa, kila mhitaji. Tujalie hayo, Bwana. Hao ni wako sasa. Ninawatoa Kwako katika Jina la Yesu. Amina.

²²² Ninasikitika, nimetumia hapa saa mbili kamili. Lakini angalieni, mna jioni nzima. Mnaweza kwenda nyumbani na kupata nguvu tena na kulala kidogo. Bali msisahau niliyowaambia. Niliwaambia kutoka moyoni mwangu. Ninajua linasikika ni jambo jipya. Miaka michache iliyopita nilikuja hapa Phoenix pamoja nanyi watu, nikiwaponya wagonjwa kwa maombi ya imani. Kamwe sikulielezea, sikutaka kulielezea. Niliangalia tu nione vile watu wangefanya, nikaangalia tu uigaji na mambo mengine yakiinuka. Limekuwa ni jambo kubwa kwangu kuangalia.

²²³ Lakini sasa, ninakuja kwenu na Ujumbe ambaio ishara hiyo ilithibitisha. Je! Kanisa liliininii... La, halikuunda madhehebu hata. Lakini ni kitu gani kiliyapata madhehebu kuhusu ufufuo huu? Walifanya nini? Waliingia moja kwa moja katika Laodikia. Mamilioni na mamilioni, na mabilioni ya dola yalimwagwa katika huo, na ninii tu... nalo limekuwa kubwa na tajiri na linajenga majengo yanayogharimu mamilioni ya dola na vitu kama hivyo. Na je! kuupokea Ujumbe? La hasha. Wanaukataa. Ni kitu gani? Kapi limejiondoshia kwenye ngano. Sasa ngano haina budi kuwa hivyo, ikae katika Uwepo wa Mwana ipate kuwa Injili kamili, punje iliyoiva vizuri kabisa kwa ajili ya Bwana. Hivi hamtauamini Huo? Ni nani Huyu, kwa vyovoyote vile? Ni nani? Je! inaweza kuwa ni mwanadamu? Inaweza kuwa ni kanisa fulani? Inaweza kuwa ni madhehebu? Ni Yesu Kristo, yeeye yule jana, leo, na hata milele. Je! mnawamwamini?

²²⁴ Sijui sasa, hebu tuabudu kidogo baada ya Ujumbe unaokatakata namna hiyo,... Dada, vipi kuhusu kutupa sa—sa—sauti, pamoja na kwaya hii ndogo hapa, juu ya *Nampenda*. Je! mnaujua wimbo huo wa kale?

Nampenda, nampenda
Kwani alinipenda kwanza,
Na kununua wokovu wangu
Katika Kalvari, baridi yenyeye giza.

²²⁵ Je! mwaweza kuuimba pamoja nami? Nyote sasa, katika tu kuabudu. A—buduni tu pamoja na mimi.

Nampenda,...

Sasa, kumbuka, kama vile televisheni, Yumo chumbani mwako.

Kwa kuwa alinipenda kwanza
Na kununua wokovu wangu
Pale Kalvari.

Je! mnatambua kwamba hilo lilikuwa na maana gani? Mnaweza? Je! mnapata kilindi chake, yale aliyofanya?

Nampenda,...

Simwoni, bali Yeye yupo hapa. Nina chombo kidogo cha kupokelea hapa ndani, kitu kidogo ambacho kinawaka moyoni mwangu. Ninajua kinamwakisi Yeye. Yeye yupo hapa.

...alinipenda...
Na akanunua wokovu wangu
Pale Kalvari.

²²⁶ Sasa, ninawatakeni mfanye jambo hili, tunapouvumisha. Sasa tumechanganyika inapofikia kwenye kile ambacho tumekuwa. Kumbukeni, malezi yangu nilikuwa ni Mkatoliki. Unaona? Sasa sote tumechanganyika hapa ndani, bali tumetoka kwenye upuuzi huo wote sasa. Sisi ni mali ya Kristo. Sisi ni Wake. Sasa tunapouimba huu, hebu na tugeuke tu na kupeana tu mikono. Haiwalazimu kusimama. Sema tu, "Mungu akubariki, ndugu. Mungu akubariki, dada," tunapofanya jambo hilo, katika hali halisi tu ya Kikristo. Ninaamini Mungu anapenda kuabudiwa. Unaonaje? Mwabuduni. Yeye... Mungu ni kitu cha kuabudiwa. Nasi tunataka kumwabudu. Na tunafanyaje...? Pendaneni. Mnataka kutendeana mema..." Mnavyowatendea hawa, mnanitendea Mimi."

²²⁷ Hebu na tuuimbe tu sasa, na—na kupeana mikono sisi kwa sisi, na kuabudu pamoja na... .

...kwani ali-... .

Mungu awabariki.

Loo, nampenda, nampenda
Kwani alinipenda kwanza
Na kununua wokovu wangu
Pale... .

²²⁸ Sijui, je, hilo linauchoma moyo wako? Je! kuna kitu fulani humo ndani ambacho ki—kinajisikia tu vizuri sana? Unajua, unajisikia kama kwamba ungetaka tu kukitoa hapa nje na kukikumbatia. En-he? Je! unajisikia hivyo moyoni mwako? Kama hujisikii, ewe rafiki, kuwa mwangalifu. Uko mahali pa hatari, unaona, kama hakuna upendo halisi mle ndani, kitu fulani, "Ninampenda." Si wimbo tu, bali ni kitu halisi. Alinipenda kwanza. Ningekuwa wapi, leo... Nina umri wa miaka hamsini na mitano. Maisha yangu mara yatakoma. Unaona? Na kile ninachoninii... Alinunua wokovu wangu... Ndugu Trow, je! ungeninii...? [Mtu fulani anazungumza kutoka kwenye kusanyiko—Mh.]

²²⁹ Ulisikia huo ushuhuda, "Kuokolewa."

Kuokolewa na nguvu Zake za Kiungu,
Kuokolewa kufikia kwenye kipeo kipyä cha utukufu!
Maisha sasa ni matamu furaha yangu imetimilika,
Kwa kuwa nimeokoka!

²³⁰ Unajuaje? Roho yangu inashuhudia pamoja na Neno Lake ya kwamba nimepita kutoka mautini nikaingia Uzimani.

²³¹ Asanteni, Wakristo wapendwa. Hilo linanifurahisha. Ninapenda kuja mahali kama hapa ambapo unajisikia uko nyumbani. Ni vigumu kwangu kuondoka. Ninaendelea tu kuwazia, kuangalia ile saa ya ukutani; na—nami ninamwona binti yangu ameketi pale, akinitikisia kichwa chake, na akiangalia chini namna hiyo; na—na mwanganu, ameketi hapa juu, akisema, “Kwa nini—kwa nini unawachelewesha hapa?” Sijui. Ninapenda tu kuketi huku...unajua. Sijui. Napenda ushirika. Unajua, siupati mahali pengi sana (mwajua jambo hilo), panapungua sikuzote. Lakini ninajua ninakaribia pale. Unaona? Na siku moja nitahubiri somo langu la mwisho, niifunge Biblia mara ya mwisho. Nitafanya safari ndogo wakati huo. Njoni mkanitembelee nitakapoondoka. Njoni, nasi tutaketi tu chini milele, na kuzungumza kama Ndugu Carl alivyosema, na kuishi milele.

²³² Sasa angalieni, enyi marafiki, nitawaulizeni jambo fulani ninalotaka mfanye. Sasa nimewachelewesha kwenye chakula chenu cha usiku. Unaona? Na sasa, Ndugu Outlaw alifanya jambo fulani muda mfupi uliopita...Ni mara chache sana yeye kufanya jambo lo lote nisilotaka. Lakini—yeye alichukua matoleo kwa ajili yangu, unaona. Sijui kama mmoja wao atarudi, na kurudisha matoleo hayo huko nyuma, na kusimama mlangoni. Nanyi mwende mkachukue matoleo hayo na kujinunulia chakula chenu cha jioni nayo. Hiyo ni zawadi kutoka kwangu, kuwarudishia. Unaona? Fanyeni hivyo. Unaona? Hilo litakuwa ni zuri kabisa. Yeye ni mtu mzuri. Daima yeye... Kamwe haninii...Mimi kamwe siendi mahali po pote wala cho chote kile bila yeye—yeye hutaka kunifanya jambo fulani la kunisaidia. Hiyo ndiyo njia yake.

²³³ Kuna watu fulani wanaosimama hapa; na—naogopa kutaja majina yao, huenda likawaudhi. Kuna ndugu wa thamani ambaye hivi karibuni ameenda Utukufuni, aliondoka haraka. Shauku yake... Alijua nilipendelea kwenda misituni, kwa hiyo alitaka kuninunulia gari aina ya jipu, nisingemruhusu kufanya jambo hilo. Ndipo baada ya yeye kuondoka, maskini mke wake alitaka kufanya jambo hilo, wala nisingemruhusu kufanya hivyo. Lakini hao vijana wengine waliungana pamoja na wakaenda hapa...Na—na kuna ndugu mwagine anayehudhuria kwenye kanisa hili, kasema, “Ndugu Branham, mimi huunda mikokoteni ya changarawe.” Mwajua, vigari vyat farasi; ama mnavyoyaita hacks. Kisha akasema, “Nitakutengenezea moja ya hayo.” Nisingemruhusu. Unajua vijana hawa walifanya nini? Walitengeneza gari aina ya jipu na mkokoteni wa changarawe pamoja. Sijapata kuona kitu kama hicho.

²³⁴ Kutoka kwenye mukutano wa Tucson usiku huo, waliileta kwenye ua langu, na kusema, "Hii ni zawadi kutoka kwa watu wa—wa Phoenix." Unaona, hata wasingejihesabu wenyewe tu, walisema tu, "Loo, ni sisi sote pamoja, unaona." Hiyo ni... Loo, ni—ninajua tu kama ningeweza kamwe kufika Mbinguni, nitaishi pamoja na watu kama hao. Ambao walimaanisha mengi sana kwangu, unajua, kitu tu kama hicho; hivi vininii vidogo... . . . kitu fulani.

²³⁵ Hilo linanifanya nijisikie hivyo kwa Ndugu Outlaw hapa. Unasema, "Vema, Ndugu Branham, ninaninii tu..." Kwenda mahali fulani hapa kwa baadhi ya...unakwenda tu mahali fulani mpaka wanaanza kukupenda wewe, na kuzungumza na wewe, na kuzungumza habari za Yesu. Na—na watu wa... Vema, unajua, "Watu wa tabia moja." Unajua, kwa namna fulani wanapenda kukusanyika pamoja na kuzungumza kuhusu mambo fulani, wanafanya ushirika pamoja.

²³⁶ Nami na—nathamini jambo hilo, bali si—sikuhitaji hayo matoleo, ndugu, dada. Mimi...kanisa langu hunipa mshahara mldogo wa dola mia moja kwa juma na huo unanitosha. Kwa hiyo na—ninalithamini. Sasa kama ye yote wenu anataka kula chakula chake cha jioni, vema, mtu fulani atakuwa huko mlangoni na mpage chakula chenu cha jioni kutoka kwangu. Unaona, itakuwa sawa tu. Baadhi yenu, nimewachelesha kwa chackula chenu cha jioni. Je! mnampenda? Basi hamna budi kunipenda kwa maana mimi ni sehemu Yake. Unaona? Amina. Hiyo ndiyo sababu ninawapenda. Bwana awabariki.

²³⁷ Hebu na tusimame sasa. Msisahau mikutano yetu ijayo. Wakati wo wote mnapokuwa karibu na hapa, kumbukeni tu, ingieni. Daima mmekaribishwa. Je! mtaniombea? Mi—mimi ni mtu ninayehitaji maombi. Je! mtaniombea? Ni wangapi wanaoweza kutambua uzito huo, yale ninayopaswa kufanya, na mambo yaliyo mbele yangu? Na ninajua yanayokuja, moja kwa moja huko mbele. Unaona? Ninaweza kuona jambo hilo kama tu vile ninavyoona mambo mengine yakija. Ninajua yajayo. Unaona? Lakini sina wakati wa kuzungumza juu ya jambo hilo. Hebu na tuzungumze juu ya yale yanayoendelea sasa hivi. Kesho itajishughulikia yenyewe. Unaona? Mnaninii...mtaniombea? Sasa, je! mliinua mikono yenu mtaniombea? Vema.

²³⁸ Mungu awabariki sasa. Nitairudisha ibada kwa mchungaji wenu mpendwa, Ndugu Jimmy Outlaw. Mungu akubariki, Ndugu Jim.



MNASEMA HUYU ETI KUWA NI NANi? SWA64-1227
(Who Do You Say This Is?)

Ujumbe huu uliohubiriwa na Ndugu William Marrion Branham, ultolewa hapo awali katika Kiingereza mnamo Jumapili asubuhi, tarehe 27 Desemba, 1964, katika Kanisa la Jesus Name huko Phoenix, Arizona, Marekani, umetolewa kwenye kanda ya sumaku iliyorekodiwa na kuchapishwa bila kufupishwa katika Kiingereza. Tafsiri hii ya Kiswahili ilichapishwa na kusambazwa na Voice Of God Recordings.

SWAHILI

©2013 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ilani ya haki ya kunakili

Haki zote zimehifadhiwa. Kitabu hiki kinaweza kuchapishwa kwa matbaa ya nyumbani kwa matumizi ya kibinafsi ama kusambaza, bila malipo, kama chombo cha kuitangazia Injili ya Yesu Kristo. Kitabu hiki hakiwezi kikauzwa, kunakiliwa kwa wingi, kuwekwa kwenye mtandao, kuhifadhiwa kikatolewe tena, kufasiriwa katika lugha zingine ama kutumiwa kuomba fedha bila idhini halisi iliyoandikwa moja kwa moja kutoka Voice Of God Recordings®.

Kwa habari zaidi ama kwa vifaa zaidi, tafadhali wasiliana na:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org